

開書

四十一日十二日十三




			九	漢
		一〇七	〇	書
		一三三	三	門
四	一	一	三	類
冊	架	函	號	

庫文閣內			
元	九	漢	
二	〇	書	
函	四七		
一	三		
架	冊	號	類

內閣文庫			
番號	漢	9073	
冊數		40 (12)	
函號		292	86

十二





閩書卷之四十一

前帝志

端宗 帝昺

端宗姓趙名昞度宗長子也母楊淑妃度宗崩楊太后召賈似道等入宮擬所立衆請立長似道以帝嫡遂立之時方四歲封帝爲吉王帝昺爲信王德祐二年正月元兵迫臨安進封帝益王判福州昺廣王判泉州以駙馬都尉楊鎮及楊亮節俞如圭爲提舉元兵至臯亭山鎮等奉之走婺州伯顏入臨安以帝昞



閩書

卷之四十一前帝

泉州陳弘刻

北行遣兵召鎮偕王還鎮曰吾往死之以緩元追亮節等負帝及昺匿山中七日走温州陸秀夫蘇劉義相繼追及於道遂召陳宜中于清澳張世傑于定海奉帝為天下兵馬都元帥廣王副之發兵除吏以秀王與昺為福建察訪使兼安撫知西外宗正趙吉甫知南外宗正兼福建同提刑先入閩中撫吏民諭同姓而帝遂入閩帝自温州從處州入松谿宿縣北門五里外田園鄉後人為橋名其橋曰

一五月乙未朔陳宜中等奉帝即位于福州改元景炎升福州為福安府冊楊淑妃為皇太后同聽政進封弟昺為衛王以陳宜中為左丞相兼都督李庭芝

為右丞相陳文龍劉黻叅知政事張世傑陸秀夫僉書樞密院事蘇劉義殿前都指揮使王剛中知福安府劉黻未至卒詔吳浚趙潛傅卓李珣翟國秀等分道出兵是日郊赦文天祥自鎮江亾歸以為右丞相兼知樞密院事遣呂武入江淮招豪傑杜澆如温州募兵是月召揚州守將姜才為保康軍承宣使經畧使六月吳浚聚兵于廣昌復南豐宜黃寧都三縣翟國秀復秀山傅卓至衢信諸縣民多應者詔右丞相文天祥同都督諸路軍馬七月丁酉文天祥開府南劍州經畧江西是月兵敗於南豐翟國秀引還傅卓

兵敗降元李庭芝姜才自揚州赴召至泰州被執死之八月漳州亂命陳文龍爲閩廣宣撫使討之以王積翁爲福建提刑招捕使知南劍州備禦上三郡黃恮爲同提刑招捕使知漳州備禦下三郡張世傑遣官助吳浚與元將李恒戰兵敗奔寧都九月以興化石手軍亂復命陳文龍知興化軍東莞人熊飛與新會令曾逢龍相繼起兵會趙潛遂復韶州廣州元呂師夔等聞之引兵入梅嶺十月文天祥駐汀州趙潛遣曾逢龍就熊飛禦元兵于南雄逢龍戰死飛奔韶州守將劉自立以城降飛率兵巷戰兵敗赴水死十一月秀王與罕禦元兵于瑞安觀察使李世達死之與罕及其弟與慮子盟備監軍趙由瑒察訪使林溫被執皆死元將呵刺罕兵至建寧府執守臣趙崇錢知邵武軍趙時賞與王積翁並棄城遁陳宜中張世傑以元兵漸迫奉帝及衛王楊太后以下俱繇東港入海元阿刺罕犯福安府王剛中以城降兵部侍郎朱浚仰藥死帝至泉州招撫使蒲壽庚來謁世傑分淮兵二千五百人命壽庚將海舟以從壽庚閉城門拒命與州司馬田真子上表降元帝遂如潮州十二月趙潛棄廣州遁吳浚退走瑞金元人攻興化不克

月趙潛棄廣州遁吳浚退走瑞金元人攻興化不克

使二使持書招降陳文龍文龍焚其書斬其二使文龍將林華陳淵遂與通判曹澄孫開門降元文龍被執歿之帝舟次惠之海豐圖復廣州元呂師夔以軍餉不繼退走以梁雄飛守之經畧使劉應龍導帝舟至廣州港口轉運使姚良臣作行宮迎帝入州治元兵守江者拒之不果入帝舟還大海駐師秀山尋次于惠州之甲子門郡人龍圖閣待制張鎮孫家居集海上潰軍與都統凌震集鄉兵潛分東西二路圖恢復詔以鎮孫爲廣東制置使兼經畧安撫使二年正月元兵破汀關吳浚棄瑞金遁尋降元文天祥駐漳

州二月帝舟次廣之梅蔚三月文天祥復梅州陳文龍從叔瓚陰部署賓客募丁壯殺林華之以興化叛降者遂復興化軍帝命瓚以通判權守興化四月文天祥復興國縣張鎮孫復廣州帝舟次廣之官富場五月張世傑復潮州文天祥提兵自梅州出江西入會昌縣淮民張德興亦起兵應之六月文天祥復雩都七月文天祥遣兵復吉贛諸縣衡山人趙璠撫州人何時皆起兵應之張世傑自海上回兵討蒲壽庚於泉州圍其城時汀漳諸路劇盜陳弔眼及許夫人所統諸峒畬兵皆會執稍振世傑遂傳檄諸路陳瓚

以家丁民義五百人來助福清人前監丞劉仝子卽同邑林同之家置忠義局募卒伍應世傑朝授劉仝子福建招撫使八月世傑攻泉州南門不利蒲壽庚陰賂畚軍戰不力繇間道求救於元將唆都自與其將堅守壽庚子師文暴悍嗜殺與壽庚盡殺宋淮軍宗室大夫士之在城中者數千人世傑所遣將高子新攻邵武復之是月文天祥諸兵皆敗天祥尋敗于興國空坑挺身奔循州諸將皆爲元將所擄元將塔出等趨廣州九月唆都援泉州也的迷失陷邵武軍入福州劉仝子拒之大敗亾走林同罵賊歿之帝舟次廣之淺灣張世傑攻泉州九十日不下解去援廣州安撫使方輿出禦塔出于石門戰敗十月唆都陷興化軍陳瓚歿之贈瓚兵部侍郎賜諡昭武張鎮孫集戰船三千艘及塔出呂師夔大戰于海珠寺敗績十一月塔出與呂師夔圍廣州張鎮孫及侍郎譚應斗以城降元將劉深攻帝于淺灣張世傑戰敗廼奉帝退保秀山十二月帝至井灣颶風大作舟敗幾溺驚悸成疾三年正月西川州郡俱陷二月帝舟還廣州三月文天祥復惠州都統凌震及轉運判官王道夫復廣州是時陳宜中已之「城帝亦欲往不果遂

閩書 卷之四十一 三 四百〇四
駐化之碣洲夏四月戊辰帝崩年十一衛王昺立上
尊諡裕文昭武愍孝皇帝廟號端宗

帝昺度宗第三子也初爲廣王判泉州進封衛王端
宗崩衆欲散去陸秀夫奉帝嗣位時年八歲楊太后
仍同聽政以秀夫爲左丞相兼樞密使張世傑樞密
副使加少傅蘇劉義開府儀同三司殿前都指揮使
是月黃龍見海中五月癸未朔改元祥興旣屢敗徙
居新會之厓山元兵追急陸秀夫負帝投海而宋亾
何子曰七閩五嶺之地皆後天下而興亦後天下而
亾雖以其非戰爭之地乎閩得因此以奉宋之終是

亦忠義之一贊而况有若陳文龍陳瓚林同者褒然
生其間足與張陸文山諸公並垂於天地者也

贊曰宋祚百六如旒斯綴貞臣不貳奉如一髮閩海
景從恃不脫拔汀州莆城應義殞越耿耿兆人足補
天缺

君長志

漢

閩越王

閩越王無諸其先越王句踐之後也姓騶氏秦并天
下廢爲君長以其地爲閩中郡及諸侯畔秦無諸與

越東海王搖率越歸郤君吳芮從諸侯滅秦而項籍不王之漢擊項籍無諸與搖率越人佐漢漢五年復立無諸為閩越王王閩中故地都東冶蓋是時有衆千人而已而其西有西甌駱裸國亦稱王趙陀從南越中自立為王因以兵威邊財物賂遺閩越西甌駱後屬焉而稱帝臨之西甌駱而曰裸國其地必熱想是漳潮之間孝景三年吳王濞反欲從閩越閩越未肯行而東海王搖受漢封都東甌獨從吳東甌今浙江温州意今福寧州長樂縣皆其地長樂古名吳航謂吳王濞於此造舟東甌從吳故聽吳濞於此造舟也吳破東甌受漢購殺吳王丹徒吳王子駒亡走閩越怨東甌殺其父勸閩

越擊東甌武帝建元三年閩越發兵圍東甌東甌食盡困且降使人告漢漢武帝遣莊助以節發兵會稽浮海救之未至閩越王引兵罷建元四年趙陀卒其孫胡代為王此時郢為閩越王興兵擊南越邊邑胡不敢應郢使人告漢武帝多南越王義遣大行王恢出豫章大農韓安國出會稽皆為將軍淮南王安上書言越方外之地勸髮文身不可冠帶之國法度理自三代之盛不受正朔漢初以來七十二年吳越人相攻擊不可勝數天子未嘗舉兵入其地也臣聞越非有城郭邑里也處谿谷之間篁竹之中習於水鬪

便於用舟地深昧而多水險中國之人不知其執阻而入其地雖百不當其一得其地不可郡縣也攻之不可暴取也以地圖察其山川要塞相去不過寸數而間獨數百千里阻險林叢弗能盡著視之若易行之甚難名為藩臣貢酎之奉不輸大納一卒之用不給上事自相攻擊而陛下發兵救之是反以中國勞蠻夷也發兵行數千里資衣糧入越地輿轎而險嶺挖舟而入水行數百千里夾以深林叢竹水道上下擊石師古曰謂船觸石灘以行也林中多蝮蛇猛獸夏月暑時嘔泄霍亂之病相隨屬也曾未施兵接及歿傷者必衆矣不習南方地形者多以越為人衆兵強能難邊城淮南全國之時多為邊吏臣竊聞之與中國異限以高山人跡所絕車道不通天地所以隔外內也其入中國必下領水領水之山峭峻漂石破舟不可以大船載食糧下也越人欲為變必先田餘干界中積食糧迺入伐材治船邊城守候誠謹越人有入伐材者輒收捕焚其積聚雖百越奈邊城何且越人繇力薄材不能陸戰又無車騎弓弩之用然而不可入者以保險地而中國之人不能其水土也臣聞越甲卒不下數千萬所以入之五倍迺足是輓車奏饗者不在


下數千萬所以入之五倍迺足是輓車奏饗者不在



其中南方暑濕近夏瘴熱暴露水居蝮蛇蠱生疾癘
 多作兵未血刃而病歿者十二三雖舉越國而虜之
 不足以償所亡臣聞道路言閩越王弟甲弒而殺之
 甲以誅歿其民未有所屬類師古曰甲者閩王弟之名按漢武帝誅閩越王郢
而此云甲者意若某子甲矣陛下若欲來內處之中國使重臣臨
 存施德垂賞以招致之此必携幼扶老以歸聖德若
 陛下無所用之則繼其絕世存其亡國建其王侯以
 為畜越此必委質為藩臣世共貢職今以兵入其地
 此必震恐以有司為欲屠戮之也必雉兔逃入山林
 險阻而去之則復相羣聚留而守之歷歲經年則士

卒罷勸食糧乏絕男子不得耕稼樹種婦人不得紡
 績織紉丁壯從軍老弱轉餉居者無食行者無糧民
 苦兵事亡逃者必眾隨而誅之不可勝盡盜賊必起
 書奏漢兵已出未踰險郢發兵距險其弟餘善與相
 宗族謀殺郢以謝漢使使奉郢頭致王恢馳報漢詔
 罷兩軍兵曰郢等首惡獨無諸孫繇君丑不與使郎
 中將立丑為越繇王奉閩先祭祀餘善已殺郢威行
 國中國民多屬竊自立為王繇王不能矯其眾持正
 漢聞之為餘善首誅郢因立為東越王與繇王金處

舊志以東越為福清今按東冶既屬福州而以東越立郢必是自福清興化以至泉州沿海一帶皆是也



知是泉州者舊唐書柳冕傳冕奏置萬安監牧於泉州界而新唐書言置牧區於東越名萬安監朱買臣曰東越王居保泉山則明是一帶地元鼎五年南越反東越王餘善上

書請以卒八千人從樓船將軍擊之兵至揭陽以海

風波為解不行持兩端陰使南越及漢破番禺不至

是時樓船將軍楊僕上書願便引兵擊東越武帝以

士卒勞勩不許罷兵令諸校屯豫章梅嶺待命豫章梅嶺

今贛州之大庾嶺也元鼎六年秋餘善聞樓船請誅之漢兵留

境遂發兵距漢道號將軍騶力等為吞漢將軍入白

沙武林梅嶺殺漢三校尉按大行王恢出豫章則是

國出會稽則是繇今浙江入也索隱曰今豫章北二百里接鄱陽界地名白沙有小山入湖名曰白沙則

是江西一帶也武林今杭州則是浙江一帶也梅嶺則是贛州一帶也蓋漢所入南越之道故曰距漢道

謂騶力等則非一人明矣殺二校尉則是三道之校尉也而自退保泉山既更徙

處南行去泉山五百里居大澤中而朱買臣言帝發

兵浮海直指泉山陳舟列兵席捲南行可破滅也顏師

古曰泉山即今泉州之山也蔡襄真德秀皆泉州守蔡襄荔支譜曰書泉山之安靜堂真德秀為文曰予

守泉山寗宇記所謂孔泉也今泉州東門名泉山鋪武帝遣橫海將軍韓說出

句章浮海從東方往句章今寧波也樓船將軍僕出武林中

尉王溫舒出梅嶺越侯為戈船下瀨將軍出若邪白

沙若邪今紹興也元封元年咸入東越東越素發兵距險使

徇北將軍守武林敗樓船將軍數較尉殺長吏樓船

軍率韓終古斬徇北將軍自兵未往故越衍侯吳陽
 前在漢漢使歸諭餘善不聽及橫海軍至陽以其邑
 七百人反攻越軍於漢陽是時居股為繇王與故越
 建成侯敖殺餘善降漢漢封居股為東成萬戶敖為
 開陵侯韋昭曰東成屬九陽為北石侯東越將多軍
多軍名也漢兵至棄其軍降封為無錫侯於是武帝以東
 越陞多阻閩越悍數反覆詔軍吏皆將其民徙處江
 淮間東越地遂虛

唐五代

陳元光

子珣 孫豐 曾孫謨 弁盧許丁三佐附

陳巖

王潮

弟審邦 審知 子延翰 審邦 子鱗 子繼鵬 審知少子延贇 延政

錢佐

子昱 附

留從効

陳洪進

弟銛 子文顯 文顯 附

陳元光字廷炬固始人祖克耕從唐太宗攻克臨汾
 等郡父政以從征功拜玉鈴衛翊府左郎將歸德將
 軍總章二年泉潮間蠻僚嘯亂居民苦之僉乞鎮帥
 以靖邊方高宗勅政統嶺南行軍總管事出鎮綏安
 故地自惟以寡伐衆退保九龍山及奏得援兵五十
 八姓迺進屯梁山外之雲霄鎮建宅于火田村儀鳳
 二年卒元光通儒術習韜鈴年十三則已領鄉薦第
 一及代領父衆會廣寇陳謙連結諸蠻苗自成雷萬

興等攻陷潮陽守帥不能制元光以輕騎討平之永隆二年盜起攻南海邊鄙循州司馬高琬受命專征今元光提兵入潮伐山開道潛襲寇壘俘獲萬計嶺表率平還軍于漳事聞進正議大夫嶺南行軍總管嗣聖三年疏言周官七閩宜增爲八請建一州泉州間註刺史領其事時朝議以爲遐方僻壤萬一建官不諳民土民反受害元光父子久牧彼中蠻畏民懷莫如今其兼秩領州朝旨可之遂給告身俾建漳州漳浦郡邑于綏安仍世守刺史自別駕以下得自辟置元光疏山林無賢而部曲子弟馬仁等多有幹畧請授爲司馬等職從之元光廼率仁等剪荆棘開邨落收散亾營農積粟興販陶冶奏立行臺四境時巡守之繇是東距泉建西踰潮廣南接島峙北抵虔撫桴鼓不驚號稱平治已苗自成雷萬興之子復起于潮潛抵岳山元光復率輕騎討之援兵後至爲賊衆藍奉高所及百姓哀悼相與制服哭之權塋于綏安溪之大峙原朝廷嘉悼贈豹韜衛軍開元四年追封潁川侯賜彤弓二以彰有功貞元二年徙州治龍溪勅有司改塋于州北高坡山春秋饗祀宋累朝歷封靈著順應昭烈廣濟王子珣孫鄧曾孫詠謨訐詠以

薦辟為恩州錄事訐四門博士珣鄩謨見下并附許
盧丁三將

珣字朝佩自幼不羣元光通商賈積財穀珣悉無所
與迺從許天正受學諷誦有得播諸楮翰元光曰此
臺院秀儒也非戈戟下士萬歲通天元年舉明經及
第授翰林承旨直學士見武后稱制上疏乞歸養使
主漳州文學龍溪尹席宏聘主鄉較迺闢書院於松
洲與士民論說典故未幾丁父憂朝命以嶺南多故
令奪情代州事珣懼辭終喪開元乙卯率武勇啣枚
緣阻夜襲巢峒斬藍奉高首級并俘餘黨父仇以復
在漳二十餘年剪除頑梗訓誨士民澤洽化行十九
年登王維榜進士表辭封爵不允二十五年乞衰齡
允之天寶元年卒諡文英

鄩字有芑珣既卒時安祿山叛亂邊盜蜂起刺史及
伯梁與偏將許平國俱以貪賂在位漳人被毒者十
餘年耆老朱興家余拱辰等數百人詣闕陳奏漳本
荒徼始得陳政屯戍繼得元光輯綏男珣代事兵民
胥慶復舉明經謝官歸休朝廷遂以父伯梁許平國
管束斯土盜賊迭起於澗壑老羸逃竄於山林酷害
斯深塗炭已極今有新舉秀才授辰州寧遠令陳鄩



廼元光之孫珣之子通達歷練如蒙使居祖職必能
恢拓先業克紹前修懾邊士來蘇之望朝命可之授
鄴朝散大夫中郎將漳州刺史州人歡呼曰州主陳
將軍孫來矣歷任二十九年一州安晏偶疾作兵民
籲天願代大曆十四年卒諡忠憲命其子謨嗣

謨任中郎將兼刺史行事剛率不協輿情耆民曾拱
璧賴習英等百餘人詣制司言之建中三年詔柳少
安來刺州事仍命謨任中郎將簡較本州別駕少安
精天文地理謂龍溪可建州治興元元年請于朝未
允貞元二年少安內召謨自任事白于觀察使盧諶

以聞制可遂移州治于龍溪其李鴻川漳浦縣治如
故謨後以平廣寇功授中郎將兼漳州刺史

許天正元光前鋒將也陳政自固始入閩從之者有
盧如金等三十人而天正獨博學能文以儒飾吏以
勇鍊士元光遂用天正領泉潮事有所申請待討論
廼行天正平惠潮虔撫寇置保三十六所三年之內
嶺海輯晏陞中奉大夫兼嶺南團練副使裴探訪與
張燕公薦于朝欲掄掌史館天正力辭歷泉潮團練
副使宋時追封順應侯

盧如金從陳政戍閩授府兵較尉兼領本州司倉司

戶叅軍始興建屯營于雲霄修竹里與元光開拓山林置州漳水北遂領州事嗣聖三年移治漳浦復移龍溪元光歿於潮寇如金率兵攻下之尋賜鐵券世襲宋紹興二年追封輔國將軍

丁儒通經術喜吟咏練達世務陳政引爲軍諮祭酒元光代政引儒佐郡與元光驅盜賊剪荆棘管置漳郡勸農重本國用以周負固不服者率輕銳搗之漳人頌元光父子則輒稱佐郡丁承事

陳巖邵武建寧縣人慷慨饒智畧黃巢入閩閩中諸州皆被殘毀建安刺史李乾祐棄城遁後守李彥聖與戰歿建不能支巖聚鄉兵數千號九龍軍破走之時本縣爲黃連鎮置義寧軍巖被表爲鎮將剪除餘寇撫安鄉井朝授團練副使中和四年因逐觀察使鄭鎰自領州治時唐室不競卽授爲觀察使巖爲治寬猛並行名聞閩中諸郡光啓二年王潮據泉州遣使請降巖表潮爲泉州刺史大順二年疾且病度可自代者惟潮遣使召潮未至卒子某歿而爲神閩人廟祀之

王潮字信臣光州固始人五代祖曄爲固始令民愛其仁留之因家焉世以貲顯僖宗入蜀盜興江淮壽

春人王緒劉行全合羣盜據壽州未幾衆萬餘自稱將軍復取光州劫豪傑置軍中潮自縣史署軍正主廩庾士推其信緒提二州籍附秦宗權他日賦不如期宗權切責緒懼與行全拔衆南走畧潯陽潁水取汀州自稱刺史入漳州皆不能有也初以糧少故兼道馳約軍中日以老孺從者斬潮與弟審邽審知奉母以行緒切責潮曰吾聞軍行有法無不法之軍對曰人皆有母不聞有無母之人緒怒欲斬其母三子同辭曰事母猶事將軍也殺其母焉用其子緒赦之會母歿不敢哭夜殯道左時望氣者言軍中當有暴

興者緒潛視魁梧雄才者皆以事誅之衆懼次南安潮語行全曰子美須着才絕衆吾不知子歿所而行全怪寤亦不自安與左右數十人伏叢翳徂縛緒以徇衆呼萬歲推行全爲將軍辭曰我不及潮請以爲主潮苦讓不克廼除地剗劍祝曰拜而劍三動者我以爲主至審知劍躍於地衆以爲神皆拜之審知讓潮自爲副緒歎曰我不能殺是子非天乎潮令于軍曰天子蒙難今當出交廣入巴蜀以獎王室於是悉師將行會泉州刺史廖彥若貪暴州人聞潮治軍有法皆奉牛酒迎潮潮圍城歲餘克之殺彥若有其地

請降於觀察使陳巖巖表潮爲泉州刺史巖卒其壻
范暉擁兵自稱留後潮遣從弟彥復將兵攻暉審知
監之暉守彌年不下潮令曰兵盡益兵將盡益將兵
將盡吾至矣於是彥復急攻暉亾入海追斬之建汀
二州皆舉聽命潮盡有五州地昭宗假潮福建等州
團練使俄遷觀察使迺作四門義學還流亾定賦斂
遣吏勸農人皆安之乾寧中寵福州爲威武軍卽拜
潮節度使簡較尚書左僕射卒贈司空

審邽字次都唐乾寧元年權泉州事三年實授四年
加工部尚書五年加金紫光祿大夫簡較戶部尚書
光化二年加兵部尚書瑯琊郡開國男三年加左僕
射進封開國侯尋授威武軍節度副使天復二年加
司空三年加司徒進封開國伯食邑七百戶在政十
二年爲人喜儒術通春秋善吏治流民還者假以牛
犁興完廬舍中原亂公卿多來依審邽遣子延彬作
招賢院禮之振賦以財如右省常侍李洵翰林承旨
制誥兵部侍郎韓偓中書舍人王滌右補闕崔道融
大司農王標吏部郎中夏侯淑司勳員外郎王拯刑
部員外郎楊承休弘文館直學士楊贊圖王侗集賢
殿較理歸傅懿等皆賴以免禍卒諡武肅王子延彬

延鈞延美延武延彬唐天祐中審知墨勅權知泉州
軍州事二年實授梁開平三年加金紫光祿大夫轉
右僕射封瑯琊郡開國男尋轉司空四年加雲麾將
軍梁乾化二年授特進階加簡較太保進封開國伯
五年詔加簡較太傅開國侯貞明四年閩王簡授管
內三司發運副使延鈞天成元年以節度行軍司馬
簡較太傅權泉州刺史其冬延彬再任四年延彬加
簡較太尉前後在任二十六年延美閩龍啓二年刺
史泉州延武閩永和元年刺史泉州尋加太傅進開
國伯閩王昶通文元年移刺建州延彬子繼崇後唐
長興元年閩王墨勅權判泉州事三年加簡較司空
閩改元龍啓加簡較太保封瑯琊開國男而又有繼
嚴繼業繼勳皆王氏羣從先後刺泉州繼業被閩王
延曦召還賜死并殺其子於泉州所善司徒楊沂豐
至下獄族誅而繼勳審邽之子之仲孫留從効所迎
立者也

審知字信通唐昭宗以潮爲福建觀察使潮以審知
爲副使爲人壯貌雄偉隆準方口常乘白馬軍中望
者披靡軍中號白馬三郎潮病以審知權節度讓審
邽不許詔審知簡較刑部尚書節度觀察使留後始

潮未入閩時閩人謠曰潮水來巖頭沒潮水去矢口出巖謂陳巖也矢口知也審知既爲觀察使留後厚事朱全忠全忠薦爲節度使同中書門下平章事昭宗在鳳翔賜審知朱詔自三品皆得承制除授天祐初進封瑯琊郡王唐亡梁太祖加拜審知瑯琊王尋進封閩王升福州爲大都督府是時楊行密據有江淮審知歲遣使泛海自登萊朝貢于梁審知雖起盜賊乎而儉約好禮唐相王溥子淡楊涉從弟沂唐進士徐寅有時名皆依審知仕宦審知建學四門以教秀士招來海中蠻夷商賈海上梁亡或勸審知自建國不稟奉後唐審知曰寧爲開門節度不作閉門天子同光三年卒年六十四諡忠懿王子延翰立

延翰字子逸長大美哲審知卒其年後唐拜爲節度使明年莊宗遇弒中國多故延翰取司馬遷史記閩越王無諸傳示其將吏曰閩自古王國也不王何待於是軍府將吏上書勸進十月建國稱王而猶稟唐正朔然審知喪未期延翰已徹几筵多選良家子妾之延翰妻崔隨淫而悍延翰妾美者輒幽之繫以大械刻木爲人手擊其頰刺之鐵錐一歲中死者八十餘人崔氏見崇卒當延翰選良家子時延鈞上書極

諫延翰不悅延翰以延鈞刺史泉州而建州刺史延
稟者審知養子自審知時與延翰不叶因與延鈞謀
作亂十二月延稟延鈞執延翰殺之而延鈞立更名
鱗

鱗審邽次子也既自立後唐卽拜節度使累加簡較
太師中書令封閩王初延稟與鱗之謀殺延翰也延
稟先執延翰殺之明日鱗兵始至延稟自以養子推
鱗立之延稟還建州鱗餞之郊臨訣延稟謂曰善繼
先志毋煩老兄復來長興二年延稟時爲奉國節度
使聞鱗有疾率兵擊鱗攻其西門使其子繼雄轉海
攻南門鱗遣王仁達拒之仁達伏甲舟中僞立白幟
請降繼雄信之登舟伏發刺殺之梟其首西門延稟
見執鱗曰果煩老兄遂殺之延稟子繼昇守建州聞
敗奔于錢塘長興三年鱗上書于後唐請得爲尚書
令後唐不報遂絕朝貢鱗好鬼神道家之說作寶皇
宮以居道士陳守元守元謂鱗曰寶皇命王少避其
位後當爲六十年天子鱗欣然命其子繼鵬攝府已
復位遣守元問寶皇六十年後將安歸也守元傳報
曰當爲大羅仙人鱗廼卽皇帝位受冊於寶皇以黃
龍見改元龍啓國號閩追諡審知昭武孝皇帝廟號

太祖立五廟置百官以福州爲長樂府閩地狹用不足以中軍使薛文傑爲國計使文傑多察民間陰事致富人罪沒其資榜捶之外至用銅斗火熨又爲鑄造檻車令上下通中以鐵芒內嚮動輒觸芒又說鑄抑挫諸宗室犯者輒殺之閩人及其宗室子皆重足立鑄從子繼圖不勝忿謀反坐誅連坐千餘人文傑又言於鑄陛下左右多奸臣非質鬼神不能知也薦妖巫徐彥察之內樞密使吳英疾在告文傑過之問其僕曰王公何恙僕曰小苦頭痛耳文傑語英上謂公居近密屢疾告行罷公矣英曰爲之奈何文傑教英適公僕爲我言公小苦頭痛也卽上遣人問公第實言此旦夕愈耳明日諷鑄令巫視英病巫言入北廟見英爲崇順王所訊曰汝何敢謀反以金槌擊其首鑄語文傑文傑曰殆未可信請使問之鑄使問英疾則果頭痛卽收英下獄命文傑劾治英自誣伏斧其妻子殺之英主兵得軍士心軍士聞英歿皆怒先是建州有豪吳光文傑利其財將治之光率衆萬人叛入吳至是光請兵於吳吳信州刺史蕭延徽引兵攻建州鑄遣將王延宗救之兵在道不肯進曰必得文傑鑄惜文傑不與繼鵬請與之廼以檻車送文傑


軍中文傑善數術自占過三日當無患送者故疾馳
二日至軍士踴躍磔文傑于市閩人爭投以瓦石齧
食立盡明日鱗使赦之已不及文傑所被送檻車卽
自爲鱗治者也方成而首被其毒云而王仁達爲鱗
典親兵他日鱗問之曰昔趙高指鹿爲馬以愚二世
寧有之邪仁達曰高非能愚二世二世自愚耳今陛
下聰明聖智朝官不滿百人起居動靜皆在耳目之
下孰敢上愚有上愚者族滅之矣鱗賜仁達金帛退
語人曰不可以遺後人卒誣仁達罪殺之鱗妻蚤卒
繼室金氏賢而不見答獨嬖陳金鳳與其婢春鸞爲金

其使者於是下元彌獄獄具引見元彌俯伏曰夷貊
之君不知禮義陛下方示大信以來遠人臣將命無
狀願伏斧鑕用贖本君高祖迺赦之昶亦好巫拜道
士譚紫霄爲正乙先生又拜陳守元爲天師而妖人
林興以巫見幸事無大小輒以寶皇語命之守元教
昶爲三清之臺以黃金數千觔鑄寶皇及元始天尊
太上老君像日焚龍腦薰陸諸香作樂臺下晝夜不
輟云如此可求大還三年夏虹見其宮中興傳神言
宗室將爲亂昶命興率壯士殺審知子延武延望及
其子五人後興事敗亦被殺而昶愈惑亂立春鸞爲

淑妃繼以爲后遣醫人陳究以空名堂牒賣官昶弟
繼嚴判六軍諸衛事疑而罷之代以季弟繼鏞而募
勇士爲宸衛都以自衛其賜予給賞獨厚於他軍控
鶴都將連重遇拱宸都將朱文進皆以此怒激其軍
四年夏術者言昶宮中當有災昶徙南宮避之俄而
宮中火昶疑重遇軍士所爲內學士陳郟郟仙遊人爲人
便佞昶親信之語以火事郟反以告重遇重遇懼夜
率衛士縱火焚南宮昶挾愛姬子弟黃門衛士斬關
出宿野次重遇迎延曦立之延曦令其子繼業率兵
襲昶及之射殺數人昶擲弓于地繼業執而殺之及
鳳本審知婢也鱗嬖金鳳立以爲后作九龍帳居之
後有風疾恣嬖吏歸守明與通而有百工院使李可
殷亦因守明以通金鳳國人歌曰誰謂九龍貯一歸
穠鱗病繼鵬因金鳳以求春鷺鱗怏怏與之鱗次子
繼韜怒謀殺繼鵬繼鵬懼與皇城使李倣圖之永和
元年十月鱗饗軍大酺殿坐中昏然言見延稟李倣
何殺可殷也倣懼而出與繼鵬率衛士入鱗聞鼓噪
聲走匿九龍帳中衛士刺之不死官人不忍其苦死
之繼韜及陳后歸守明皆爲所殺凡立十年前立三
年號龍啓後六年號永和諡惠皇帝廟號太宗

繼鵬鱗長子也既立更名昶改元通文以李倣判六
 軍諸衛事倣念有弑主罪居恒自疑多養死士為備
 昶患之因大饗軍伏甲殺倣梟其首于市倣部曲千
 人燒啓聖門奪市中首奔于吳越錢氏晉天福二年
 昶遣使朝貢京師高祖遣散騎常侍盧損冊封昶閩
 王賜之赭袍拜其子繼恭臨海郡王昶曰吾已襲為
 帝不受冊稱疾不見損令繼恭王之損還昶無所答
 第繼恭遣其佐鄭元弼元弼仙遊人隨損貢方物致書晉
 大臣述昶意求以敵國禮相往來高祖怒詔暴其罪
 歸其貢兵部員外郎李知損上書請籍其貢物禁錮
 其妻子皆死延曦立諡昶曰康宗

延羲審知少子也既立更名曦改元永隆朝貢于晉
 曦自昶世倔疆難馭昶相王郟每抑折之新羅聘閩
 以寶劍昶舉示郟曰此將何為曦時在傍郟曰不忠
 不孝者斬之曦立郟死新羅復獻劍曦念郟前言命
 發郟塚戮其屍郟面色如生血流被體曦怒泉州刺
 史余延英矯命掠取良家子下御史劾之延英進買
 宴錢千萬曦曰何不及皇后延英獻后錢千萬曦嫁
 女朝士有不賀者笞之御史中丞劉贊坐不糾舉將
 加笞諫議大夫鄭元弼切諫曦謂元弼曰卿何如魏



鄭公元弼曰陛下似唐太宗臣爲魏鄭公可矣曦喜釋贊也曦弟延政爲建州節度使封富沙王自曦立不叶數舉兵相攻曦繇此惡其宗室多以事誅之諫議大夫黃峻昇櫬極諫曦貶峻漳州司戶叅軍較書郎陳光逸疏曦過惡五十餘事曦命衛士鞭之百以繩繫頸掛木絕之國計使陳匡範增筭商之法以獻曦曰匡範人中寶也已歲入不登其數借民足之匡範以憂歿其後知其借民也剖棺斲屍棄之水中曦性旣淫虐而妻李悍酗酒賢妃尚有色而寵李仁遇曦甥也以色嬖用爲相曦常爲牛飲羣臣侍酒醉不勝有私棄者輒殺之諸子繼柔棄酒并殺其贊者一人連重遇殺和懼爲國人所討與朱文進連姻自固曦心疑之常被語誚重遇流涕自辯李氏妬尚妃之寵欲圖曦而立其子亞澄使人謂重遇文進曰上心不平於二公奈何重遇文進懼六年二月曦出遊醉歸使人拉而殺之馬上謚景宗

延政審知子也曦立爲淫暴延政數以書諫曦怒遣杜建崇監其軍延政逐之曦以兵攻延政爲所敗延政迺卽建州建國稱殷改元天德連重遇旣殺曦集閩羣臣告曰昔太祖武皇帝親冒矢石遂啓有閩及

其子孫淫虐不道天厭王氏百姓與能當求有德羣臣皆莫敢議迺掖朱文進升殿率百官北面臣之文進以重遇判六軍諸衛事王氏子弟在福州者五十餘人皆殺之以黃紹頗守泉州程贇守漳州許文績守汀州稱晉年號時開運元年也泉州軍將留從効與其黨王忠順董思安及所親蘇光誨圖議吾屬世臣王氏王氏子孫為文進魚肉我等坐觀曷云忠乎聞富沙王盡力擊福州以復王氏一旦功成我輩何面目見之州人皆以為然因共殺紹頗迎王氏諸子繼勳為刺史

王忠順晉江人其後南唐改建州復與思安率兵赴難城陷成之

漳州

聞之亦殺贇迎王氏諸子繼成為刺史以歸延政文績懼亦舉汀州降而延政遂得三州此時南唐李景聞閩亂遣樞密副使查文徽待詔臧循發兵擊之延政使人詒福州曰唐兵來助我也福州信之與重遇亦殺文進傳首自歸福州裨將林仁翰又殺重遇謀迎延政來都延政未至遣其從子繼昌守之而南唐兵迺急攻建州福州將李仁達謂其徒曰唐攻建州富沙王不能自保其能有此土邪擒繼昌殺之欲自立恐眾不與取雪峯寺僧卓儼明被之袞冕率將吏北面臣之曰此非常人眾莫敢拒已殺儼明自立送

款于景景以爲威武軍節度使更其名曰弘義而文
徽乘勝克建汀漳泉四州延政遂降景景徙其族於
金陵以爲饒州節度使進封鄱陽王是歲南唐保大
四年也查文徽與樞密使陳覺等皆言景可乘勝并
取仁達而覺曰臣能不兵而致之景以覺爲宣諭使
召仁達入朝仁達不至覺還至建州矯發汀建信撫
州兵攻之時樞密使魏岑安撫漳泉聞覺起兵亦擅
發兵應覺景大怒翰林學士馮延巳等言兵業行不
可止迺以王崇文爲招討使王建封爲副使益兵會
之以中書舍人馮延魯與魏岑陳覺監其軍仁達遂
送款於吳越錢氏吳越以兵三萬應仁達覺等爭功
進退不相應延魯曾與吳越兵先戰大敗走而福州入
於錢氏

錢佐

五代史宋史作佐表忠觀碑作仁佐

字祐錢鏐之孫元瓘之子也

立時年十三諸將皆少之稍稍不法佐迺立黜其大
將繇是國中畏恐李仁達旣被南唐李景兵求救於
佐佐召諸將與計諸將皆不欲行佐奮然曰吾爲元
帥不能舉兵邪諸公皆吾家素蓄養不以身先我有
異吾議者吾斬之迺遣其統軍使張筠趙承泰等率
兵三萬水陸赴之遣將誓軍號令齊整筠等大敗景

閩書 卷之四十一 四
兵俘馘萬計獲其將楊業蔡遇等遂取福州而還遣
兵戍之南唐保大之八年查文徽爲建州節度使福
州詐言吳越戍兵亂殺仁達遣人請文徽文徽與劍
州刺史陳誨下舟閩江趨應之福州以兵出迎誨曰
閩詐徐圖之文徽曰乘其未定可亟取也留誨屯兵
江口進至西門伏發文徽被擒誨與吳越人戰大敗
之獲其將馬先進景送先進還吳越吳越始亦歸景
文徽佐立七年宋開運四年卒年二十贈忠獻王五代
宋史作忠獻表弟俶立歸於宋子昱
忠觀碑作忠顯附

使昱守福州昱益治州城城爲壯爲人好學多聚書
喜吟咏工琴畫能覆棋善飲酒諧謔生平交舊終日
談宴未嘗犯一人家諱然貪縱無名節

留從効永春人幼孤事母兄以孝弟聞雖出寒微涉
書知兵朱文進旣殺延曦署黃紹頗爲泉州刺史從
効時爲泉州散指揮使與其黨王忠順董思安等圖
議復王氏子孫忠順安置酒從効家募歿士得陳
洪進等五十二人持白挺夜入城劫庫兵擒紹頗斬
之立審邽孫繼勳爲刺史從効等三人自署爲統帥
洪進等皆爲指揮使繼勳使洪進送紹頗首於洪進

奉爲主文進來攻從効敗走之延政旣降於南唐李
景從効亦執繼勳送款自領漳泉二州留後景卽建
泉州爲清源軍授從効節度泉漳等州觀察使從効
累被景命授同平章事兼侍中中書令封鄂國公晉
江王從効在郡專以勤儉養民知人疾苦恒衣布衣
置公服中門側出廼服之常言我世貧賤不可捐本
郡人愛之皆以安治王氏有二女嫁人從効奉之甚
謹資給豐饒歲取進士明經謂之秋堂周世宗征淮
南李景以兵十萬保紫金山從効累表於景言其頗
兵老師形勢非便旣果敗江北之地盡爲周世宗所
有因遣衙將蔡仲贊爲商人以帛書表置革帶中自
鄂路送款於周又遣別駕黃禹錫問道表貢世宗賜
書嘉納從効又乞置邸京師世宗以其素附江南慮
非便不許從効臣景如故宋初上表稱藩貢奉不絕
會李景遷都洪州從効疑其徙地近閩行且圖已遣
其兄從願之子紹鎡齎厚幣往獻又遣使假道吳越
入貢宋太祖太祖特命使者入閩賜撫之使未至從
効疽發背卒景贈從効太尉靈州大都督從効無子
子紹鎡紹鎡皆從願子其疾時從願守漳州紹鎡在
金陵而紹鎡方幼衙較張漢思陳洪進等劫遷之東

亭漢思自稱留後洪進爲副使時宋建隆三年也明年洪進又廢漢思而自立從効有再從弟仁諱爲泗州長史以清節聞太宗嘉之特召赴闕遷揚州觀察支使

陳洪進泉州仙遊人幼有壯節頗讀書習兵法及長以材勇隸伍符從攻汀州先登補副兵馬使從留從効殺黃紹頗王繼勳使其麾下送紹頗首建州以道阻賊盛皆莫敢往洪進獨請行至尤溪賊數千人遮之洪進給賊曰福泉二州已爲義師所襲爾輩政爲何人戍守卽持紹頗首示之曰我送此建州迎嗣君

歸國爾輩安歸乎賊遂潰渠帥數人皆聽命洪進至建州延政大悅以爲本州馬步行軍都較已遣歸泉州李景旣以從効爲清源軍節度以洪進爲統軍使與副使張漢思同領兵柄累立戰功從効卒紹鎡典留務月餘洪進誣紹鎡將召吳越人以叛執送江南推漢思爲留後自爲副使漢思年老醇謹不能治軍事皆決洪進漢思亦患其專因大饗將吏伏甲謀殺之酒數行地大震棟宇垂傾坐立皆不自持同謀者告洪進洪進亟起衆驚悸散漢思事不成慮洪進先發常嚴備之洪進子文顯文顯皆爲指揮使欲勒所

部擊漢思洪進不許一日從二子常服安步入府叱散直府兵袖中出巨鑰反閉之使呼於邸門曰郡中軍吏皆欲陳君公當予印漢思猝不知所爲出印門隙予洪進洪進召告將較吏士曰張公老矣而授我印使我領州將較吏士皆賀洪進遷漢思別墅兵守之請命於江南李煜李煜以洪進爲清源軍節度泉州等州觀察使此時宋太祖已平澤潞下揚州取荆湖洪進心懼遣衙將魏仁濟問道奉表自補清源節度副使權知泉州等州軍府事言已所以領州之故太祖遣通事舍人王班齎詔撫諭因其臣於李煜又以書諭煜煜言洪進首鼠兩端詐不足聽太祖又詔諭之建隆四年遣使兩人朝貢煜復請寢洪進恩命太祖又以諭煜乾德二年改清源軍爲平海軍授洪進節度泉州等州觀察使簡較太傅賜號推誠順化功臣以文顯爲節度副使文顯爲漳州刺史洪進歲以修貢朝廷厚斂於民第民貲百萬以上者令差入錢以爲試協律奏禮郎蠲其丁役及江南平吳越王朝洪進不自安遣文顯入貢太祖因詔召之遂赴覲至南劍州聞太祖崩歸鎮發哀太宗卽位加簡較太師明年四月入朝朝廷遣翰林使德玄迎勞之宿

州既至賜錢千萬白金萬兩絹萬疋增其食邑以文
顯爲團練使文顯文頊並爲刺史洪進遂以所筦漳
泉二州表獻太宗太宗優詔嘉納以洪進爲武寧軍
節度同平章事留京師奉朝請諸子皆授近郡賜白
金萬兩各令市宅六年封杞國公雍熙元年進封岐
國公洪進年老富貴且極上言求致仕優詔免其朝
請二年以疾卒廢朝二日贈中書令諡曰忠順中使
護喪葬事官給

銛初爲泉州都指揮使開寶四年授漳州刺史入貢
至宿卒銛子文璉供奉官閤門祗候

文顯字仲達洪進領漳泉節制署左神機指揮使遷
泉州馬步軍都軍使右軍押衙乾德初朝命平海軍
節度副使累加簡較太保洪進歸朝授文顯通州團
練使知泉州未幾代還時太宗征太原朝行在久之
出爲青齊廬壽西京川南北陝州四州郡巡簡使文
顯與諸弟不睦私藏列訟真宗咸平初爲御史中丞
李惟清所論劾詔念洪進忠勳令御史臺誠諭之尋
以疾改通許鎮都監六年卒子宗憲歷虞部員外郎
爲西京作坊使宗元殿中丞

文顯初爲泉州右軍散兵馬使衙內都指揮使俄權

周書 卷之四十一 三十一 四百
知漳州朝命漳州刺史凡七年求還泉州署行軍司
馬宋太祖開寶末江南平洪進遣之入貢至京師自
陳願留俟父入覲太祖嘉之及洪進歸朝授房州刺
史會升房州爲節鎮換康州太宗端拱初出知同州
錢若水爲從事文顥深禮之委以郡政真宗咸平初
知耀州徙徐州坐失入責授左武衛大將軍知漣水
軍真宗念洪進納土効順復以爲康州刺史留京師
大中祥符初議東封以濮州馳道所出命知州事須
置供擬頗勤駕至召見勞問改衡州刺史特給內地
刺史奉料未幾代還以老疾累表致仕詔免朝謁歲
給公費及月廩並如故六年卒

文顥始爲泉州衙內都指揮使知漳州洪進歸朝授
滁州刺史仍舊知州俄召歸奉朝請真宗景德中換
光州以久次領和州團練使歷知海濮濰沂黃五州
信陽軍所至無稱卒錄子宗綬爲大理評事孫永弼
永昇爲三班借職次子宗纘太子中舍

文頊本文顯子有相者言於洪進公一門受祿當至
萬石時洪進與三子皆領州郡而文頊始生遂自子
之以應其言初補泉州衙內都較又爲衙內都監使
朝命領順州刺史歸朝爲登州刺史滄棣有寇盜命

爲巡簡使再改舒州淳化三年卒文頊頗知書亦工
畫子宗絳爲殿中丞

元

陳友定

子宗海附

陳友定先世福清人自其父流寓汀州明溪市大焦
幼病頭瘡家貧無依傭於倉盈里富室羅姓者羅奇
之妻以女羅妻不悅迺資以財令經營產業蕩覆無
餘者數因爲明溪寨兵卒其爲人沈勇喜遊俠擊斷
要以借軀狗急行其志衆憚服之又樂也爭願爲役
至正壬辰盜起海上寧化曹柳順據曹坊寨擁衆數

萬蠶食諸縣一日遣先鋒八十人來明溪取馬衆莫
拒友定諭衆計給之收其兵器盡斬于市柳順怒將
親率步騎數千盡屠明溪友定以鄉里弟子見汀判
蔡公安緩頰談軍事公安以爲能授以兵友定率士
千餘下山麓直抵柳順營出其不意順驚潰馳擊之
斬獲大半擒柳順以歸時隣壤巨寇數十各據寨堡
互相爭奪友定以次削平事聞授明溪寨巡簡尋陞
清流尉遷簿尋爲令己亥歲陳友諒遣其將康泰
邵武鄧克明攻汀轉掠延平將樂諸處元授
州路總管禦之戰黃土盡獲其部衆克明獨

陷郡縣皆復遷行省叅政辛丑克明復來寇復敗之
遂開省汀州遷左丞友定既復汀有據閩之志威迫
行省平章燕只不花所收復郡縣倉庫盡取之臣妾
其官僚不從者竄戮焉

太祖既滅友諒圍熊

天瑞贛州使朱亮祖取元浦城建陽崇安諸縣友定
因數寇浙東邊胡深爲浙東行省郎中伐其建寧友
定約建寧守將阮德柔擊敗深殺之是爲甲辰歲明
年元論友定功遷行省平章悉有八郡地友定有勝
兵萬人益發取諸郡縣遠近瓦解無敢角而長汀人
羅良者故亦以散資募士爲元捕殺漳州山寇提兵
解福州圍爲閩將第一貽友定書責其心背元友定
大怒發兵攻漳良堅守旬月歿之友定遂據漳使人
鑿山道縮城守自固戊申

太祖遣將胡廷美

取元建寧亾何遣征南將軍湯和自明州取海道入
福州友定使其將賴正孫謝英輔鄧益等將二萬衆
守福州自率精銳守延平和舟師乘風抵五虎門擊
敗平章曲出叅政袁仁夜約款我兵明入城鄧益拒
戰水部門擊殺之正孫英輔曲出皆出走叅政尹克
仁赴水歿行宣正院使朶耳麻不屈下獄歿僉樞密
院柏鐵木兒焚其妻妾兩女而自剄和轉迫延平兵

垂發會

太祖使使諭降友定友定殺使者取

血和酒甕中盟諸將飲之亾何我兵至夾水陳友定戰不利歸謂諸將曰明人遠鬪甚銳毋戰也徒多殺將吏吾壙山塹壑蓄犀器飽士而久之皆曰善因乘城勒吏士日夜不得畚休皆怨諸將請出戰不許數請不已友定更疑其部將蕭院判劉守仁奪其兵執院判殺之守仁懼來降士卒多夜遁者圍十日會軍器局火炮發我兵疑有內應急擊之友定出省堂召英輔及叅政文殊海牙與訣曰公等善爲計吾自亾元耳按劍仰藥英輔與達魯花赤白哈麻亦具服此面自經文殊海牙及正孫皆降我兵昇友定屍出值大雷雨復蘇其子宗海來將樂就死并俘京師和置延平衛使部將蔡玉守之俘既至太祖問曰元亾若爲誰守殺我胡將軍甕使者血何陸梁也友定曰死已矣能加乎遂并海棄市友定死其故將金子隆尚不降復寇延平蔡玉擊敗之追至沙時沐英爲建寧衛指揮使夾攻破之而閩平宗海多機謀有勇力善騎射討亦思巴奚擒阿巫那等使閩人脫十餘年兵戈之苦者海功居多及聞父被執自將樂來就死并執送京師俱棄市

何子曰太史公曰句踐稱伯至餘善國滅衆遷其先
苗裔繇王居吸等尚猶封萬戶繇此知越世世爲公
侯矣蓋禹之餘烈也陳元光鎮漳先輩惜其不列於
唐史予讀太平廣記宰夫脯肴饈不佳好尋蒸而出
於元光之前豈其用虐邪所表請立漳郡治云誅之
不可勝誅或近是哉王審知爲德於閩詳在于競之
碑若夫留從効之不忘起家陳洪進之順天歸命有
足述矣陳友定臨決自謂死元故併及之

贊曰一方一域而能爲君必其材智足以撫羣無諸
聖裔光啓海濱王留與陳撫毗治軍雖其後代殞絕
崩分遡厥本原仁義實聞閩山海嶠霽景晴曛偏霸
互雄遐想英芬

國書卷之四十二

文蒞志

唐 榮梁克家淳熙三山志聞自周季立國以王秦雖
 置郡猶棄不屬獨降號君長而已漢興既詔復國
 綿及三世顧云城郭邑里可以郡縣一經廢徙曾有
 不遺三百餘年生聚日蕃自相臣僕孫氏崛起謀有
 江表乃拓平內地剪莠鋤荒然猶六十餘年僅克開
 郡又至于晉始建治此州渡江之後壤地既狹分部
 益多更宋齊至陳此州始為刺史唐初改郡為州太
 守並為刺史小大莫辯此州又始為都督開元分道
 置使採訪惟在邊鎮首謹兵防此州又始為經畧乾
 元內外悉治軍戎大府要藩許專節制此州又始為
 防禦節度大曆以後寇難畧平思弭甲兵鄉意風俗
 此州又始為觀察

節度使

中和四年觀察使鄭鑑為陳巖所逐

國書

卷之四十二

文蒞

一

曾翔

葉一源字九江瑞安人幼有志操膂力絕人善詩翰
 習騎射侍父公奎游宦廣南見隋政日紊聚兵千餘
 趨太原唐高祖與語大悅及即位授福建節度使後
 從太宗征高麗單騎入虜斬首二十餘級身中流矢
 卒事聞立祠追諡武義侯

按唐初未有節度使必唐高祖以其名封之其之官

與否不可知姑依史書首此

都督府 都督一員 別駕 長史 司馬各一

員 錄事參軍事一員 錄事二員 功曹參

軍事 倉曹參軍事 戶曹參軍事 田曹參

軍事 兵曹參軍事 法曹參軍事 工曹參

軍事各一員 參軍事四員 市令 市丞各

一員 文學 醫學博士 助教各一員

都督

王義童

義童以朝官兼福州刺史福建都團練觀察使有下

泉睦建三州功故來作鎮

右武德中任

張承慶

右景雲中任

梁惟忠辛子言李亞丘

右開元中任

別駕

衛總持任弘毅

右貞觀中任

長史

王孝敬

右永徽中任

唐循中

右開元中任

李偕

右廣德中任

司馬

蕭嗣德

右咸寧中任

經略使

唐循中

是時改都督加經畧仍令長史循中知經畧事

右開元中任

吉渚

是時加為經畧寧海軍使

右至德中任

都防禦使一員

副使

判官

推官各一員

都防禦使中丞

都防禦使中丞

董玠

右乾元中任

副使

暨克華

右乾元中任

節度使一員

副大使

知節度事

行軍司馬

同副使

判官

掌書記

推官

巡官各一

員

同節度副使十員

館驛巡官四員

府

院法直官

十要籍

逐要親事各一員

隨軍

節度使

李承昭

右上元中任

都團練觀察處置使一員

副使

判官

推官

巡官

衙推

副使

支使

判官

記 推官 巡官 衙推 隨軍各一員

要 籍 進奏官各一員

都團練觀察處置使

李承昭李錡

一作錡

錡唐宗室治王氏易左氏春秋酌其精義以補儒行
大曆七年自華州刺史加御史大夫持節都督福建
泉汀漳五州軍事領觀察處置都防禦等使考禮正
刑節用愛人頒賦遣役齊其勞逸視年豐耗量入制
用削去煩苛掎剋之政吏不奉職民不帥教懲以薄
刑俾浸遷善禮于先聖先師退而嘆堂室湫狹教學
荒墜懼鼓篋之道寢子衿之詩作易其地大其制新
其棟宇盛其俎豆每歲二月上丁習舞釋菜先三日
齋戒肄禮命博士率胄子脩祝嘏陳祭典釋菜之日

美噐用幣籩豆在堂罇罍在阼玄端赤舄正詞陳信
是日舉學士之版視其藝之上下審問慎思使知不
足教之導之講論勗之八月上丁如初禮歲終博士
以遜業之勤惰覃思之精麤告于錡錡歛其才者進
其等而貢之于宗伯將進必以鄉飲酒之禮禮之賓
主三揖受爵兩壺之間堂下樂作歌以發德鹿鳴南
陔由庚嘉魚南山有臺以將其厚意繇是海濱榮之
以不學爲恥大曆十年薨于位羣吏庶民耆儒諸生
兩泣廟門外判官繕部員外郎兼侍御史皇甫政殿
中侍御史韓贄監察御史長孫繪率門人部從事州

佐縣尹相與舉錡盛德善政刻于金石十二年太常
議諡以錡尊教勸學德洽荒服奏諡曰成詔贈禮部

尚書

李行穆

以泉州刺史兼

鮑防

防襄州人自京畿觀察使任好學善屬文歷福建江
西觀察使皆有政聲仕終禮部侍郎防文學舊人歷
職中外不因罪戾而為宰相竇叅所擯竟以憤終

右大曆中任

常袞

袞京兆人為中書舍人文辭贍蔚譽重一時相代宗

用人非文詞者擯不叙世謂之贅伯

贅無賢不肖之辭

不再起

為福建觀察始閩人自樂其土雖有長材秀民通文
書吏事不肯出任袞以文辭有名於時又作大官出
典方州鄉郡小民有能誦書作文辭者親與為客主
之禮觀游宴饗必召之偕莫不矜耀勸化歲貢士與
內縣等卒于官贈尚書左僕射

孟皞

以左散騎任

右建中中任

盧憇

以福州刺史兼幽州范陽人為政苛躁

吳誥

以鳳翔隴右元帥副兵馬使任

吳湊

周書

文蒞

六

皇

湊濮陽人以太子賓客任貞元四年福建兵亂吳詵
被逐湊繼之蒞政勤清美譽四騰以與宰相竇叅不
合召還

鄭叔則

以信州刺史任

王翊

以大理卿任刺史兼御史中丞

李若初

若初趙郡人以衢州刺史任性嚴強力束斂下吏人
畏服之

柳冕

冕河東人博學富文辭長吏職貞元初為太常博士
以議論勁切執政不善出為婺州刺史十三年兼御
史中丞福建觀察使貽書權德輿謂唐之取士但承
隋法進士以詩賦取人不先理道明經以墨義考試
不本儒意選人以書判殿最不尊人物宜從容啓主
上稍革其弊分為二等有明六經之義合先王之道
者以為上等有精誦疏者以為次等不登此二科者
以為下等以求清識之士以興廉恥之風居閩中十
有二年上言唐虞之制羣后四朝以明黜陟商周之
盛五歲一見以考制度漢法三載上計以會課最聖
唐稽古天下朝集三考一見皆以十月上計京師十
一月禮見會尚書省應考績事元日陳貢棊集於考
堂唱其考第進賢以興善簡不肖以黜惡自安史亂

常始有專地四方多故始有不朝戎臣恃險或不悔
 過臣忝牧圉之寄憤不朝之臣思一入覲率先天下
 使君臣之義親而不疏朝覲之禮廢而復舉德宗許
 之冕生長河東徒見其地多馬謂閩中羊馬不息奏
 置牧區於東越名萬安監又置五區泉州悉索部內
 馬驢牛羊之合萬餘游畜之不經時必耗畧盡復調
 克之民間怨苦坐無狀代還卒贈工部尚書

閩濟美

濟美貞元十年進士有長者名繇婺州刺史為觀察
 使簡澹為理常賦之外不知其他奏罷柳冕所置牧
 馬監仕至工部尚書

右貞元中任

陸度裴次元

次元於莆田縣界紅泉築堰潴水墾開荒地為田三
 百二十二頃歲收數萬斛以贍軍儲莆人廟祀之

蔡僖裴父

父為觀察使獎振儒風

右元和中任

徐晦

晦在官作池通海潮以振人文其初舉進士不第四

門助教歐陽詹數稱之後登高第來為觀察使語及詹必流涕仕宦所歷皆楊憑薦引憑貶臨賀尉知交莫敢送者晦獨送至藍田言別繇此見重為人強直當官守正仕至禮部尚書

右寶曆中任

張仲方

仲方字靖之貞元中進士擢宏辭科釋褐集賢校理敬宗即位徵為諫議大夫論事激切太和初出為福州刺史兼御史中丞福建觀察使三年入為太子賓客累加銀青光祿大夫上柱國曲江伯食邑七百戶卒贈禮部尚書諡曰成

桂仲武段伯倫

以大金吾大將軍簡較工部尚書任

右太和中任

唐扶

以中書舍人任

李記盧正

以大理卿任

李元宗

以泉州刺史兼

右開成中任

裴煇

以泉州刺史兼

羅讓

讓字景宣少以文學知名舉進士應詔對策高等為咸陽尉丁父憂服除尚麻茹菜不從四方之辟者士餘年李獻為淮南節度使就其所居請為從事累遷至福建觀察使兼御史中丞甚著仁惠有以女奴遺

者問其所因曰本某家人兄姊九人皆為官所賣留者惟老母耳讓慘然焚券歸女於其母仕終江西都團練觀察使兼御史大夫

李貽孫

貽孫未詳其所起其序歐陽詹稱詹為外舅其文亦蔚然可觀

楊發

發字至之馮翊人以大中大夫福州刺史中丞上柱國賜紫金魚袋任下車首立社稷風雨壇于州之坤方用錢十萬不徂一丁不斂一戶甌閩之人美其能政以善績聞遷嶺南節度使

王鎮

一作錫以朝請大夫簡較左散騎常侍右金吾大將軍克右衛使上柱國襲太原郡開國公食邑二千戶賜紫金魚袋十二年陞簡較左散騎常侍使持節都督福州諸軍事兼福州刺史御史大夫克福建等州都團練觀察使處置等使任

右大中中任

李璿李景溫

景溫字德已并州文水人歷諫議大夫福建觀察使徙華州刺史以美政聞累遷尚書右丞繩正舉職

右咸通中任

李晦

以河南尹簡較左散騎常侍兼李播

周書

卷之四十三

文蒞

曾王

三百〇四

右乾符中任

鄭鎰

右廣明中任

陳巖王潮

並見君長

右景福中任

威武軍節度觀察使

乾寧四年陞團練為威武

王鴻

一作逢固始人貧不能歸因家於閩南石室山

右乾寧至天祐中任

王審知

見君長

右光化至天復中任

團練副使

薛戎

戎字元夫河中寶鼎人少有學術不求聞達年四十餘隱居毗陵陽羨山江西觀察使李衡故相齊映前後辟薦罷歸福建觀察使柳冕表為從事累月轉殿中侍御史會泉州闕刺史冕署戎權領州事是時姚南仲節制鄭滑從事馬總以其道直為監軍使薛盈珎誣奏貶泉州別駕冕附會權勢欲構總罪使戎按問戎別白無辜不從冕意及還自泉州冕盛氣據衙見賓客戎歷東廂從容入冕度勢未可屈徐起見戎

一揖而退又構總罪以狀聞置戎佛寺環之武卒恣其侵辱如是累月誘成總罪戎心不動杜佑鎮淮南知其寃上表發書諭冕戎難方解遂辭職寓居江湖間後閻濟美為福建觀察使備聞其事奏克副使累衢湖常三州刺史觀察使所蒞皆以政蹟聞卒贈左散騎常侍

右貞元中任

沈亞之

亞之字下賢長安人任團練副使徐晦經度空隙地為池以通海波潮汐亞之有勞焉累遷殿中丞御史後貶南京尉終鄞州椽亞之以文詞得名嘗游韓文公之門第狂躁貪冒故及於貶

右長慶中任

李貽孫 見上

右太和中任

陳巖 見君長

右中和中任

判官

皇甫政 以繕部員外郎兼御史任 韓贄 以殿中侍御史任 長孫繪 以監察御史任

並大曆中任

武自和

右元和中任

李敬彝

右太和中任

巡官

權幼公

右元和中任

觀察支使

盧昂

右元和中任

判官

楊邵伯

右元和中任

侯勣

右太和中任

推官

馮審

右元和中任

以後係閩越已見君長志其他不知名者不載

宋

威武軍節度使

宋初兼三司發運使大都督府長史

承宣使

舊名節度觀察

留後政和七年詔觀察留後乃五季藩鎮官以所親信留克後務之稱不可循用可冠以軍名改爲承宣使

節度使

沈承禮

右開寶中任

政和中童貫來鎮宦者也姑附名

鄭居中

右宣和中任

李顯中

右乾道中任

鄒琪

右年任無考

節度觀察留後

高繼勳高化

右景祐中任

承宣使

姚平仲

右靖康中任

觀察使

王德用

右慶曆中任

萬文勝

文勝字彬叔寧國人少倜儻有大志長身戟鬚從軍不十年以功累官福州觀察使總殿前諸軍理宗嘗飛白忠實二字賜之卒贈開府儀同三司武安節度使

丁勝起

右理宗中任

福建路安撫司

雍熙初改威武軍為福建路景德間置安撫司而威武軍之名猶在

但節度使

安撫使

掌一路兵民之事皆帥其屬而聽其獄訟頒其禁令定其

賞罰稽其錢穀甲械出納之名籍而行以法以知州兼克大中大夫以上或曾歷侍從乃得之品卑者止稱主管某路安撫司公事中與以後職名稍高者出守皆可兼使如係二品以上即稱安撫

叅議官一員

添差叅議官一員

紹興間置

隆興間省乾道間復置不隆務

主管機宜文字一員

幹辦

公事一員

主管書寫機宜文字一員

建炎三年置後

準備差遣五員

紹興初置八年改一員作幹辦公事後盡省

準備

差使五員

紹興初置後盡省

措置招捉盜賊一員

紹興十五年

年置後省

安撫使

袁逢吉

以知州兼

右景德中任

林適見福清
縉紳

右建炎中任

張浚

浚字德遠綿竹人高宗南渡初浚以樞密院使定苗
傅劉正彥亂傅正彥走入閩縛而誅之銳意中興恢
復之計高宗深所倚仗坐與宰相呂頤浩不合紹興
四年以本官提舉洞霄宮知福州時朝廷已與金人
講解而浚尚恐其來窺江南臨行上疏極言未幾劉
豫子麟果引金人入攻高宗思浚前疏召復其官浚
受命即日視師江上酈瓊叛歸劉豫秦檜憾浚復坐
落職以紹興九年除資政殿大學士知福州兼福建
安撫大使時金人遣使以招諭為名浚雖去國五疏
力爭其明年金敗盟復取河南浚奏願因權制變以
集大勲因請大治海舟千艘為直擣山東之計高宗
封浚和國公浚力主恢復前後為秦檜湯思退所陷
而檜幾於殺之孝宗即位除江淮東西路宣撫使進
封魏國公復為湯思退所陷其明年復除保信軍節
度判福州行至餘干卒贈太保復加贈太師諡忠獻
浚治福州飭守令誠意民事時引秀才與講論經史

命鄉里長老率後生以止其訟鬪之習事無巨細悉關理决山河之寇招捕無餘每車騎出入民聚屋登木觀者如堵去而咨嗟號送相屬於道

葉夢得

夢得字少蘊吳人嗜學蚤成多識前往紹聖四年進士紹興八年為江東安撫制置大使兼總四路漕計精曉財賦饋餉張浚軍用不加觀文殿學士移知福州兼福建安撫使海寇朱明猖獗詔挾御前將士便道之鎮或招或捕或誘之相戕夢得三策並用遂平寇五十餘羣然頗與監司異議上章請老特遷一官提舉臨安府洞霄宮尋拜崇信軍節度使致仕

張凝

右紹興中任

辛次膺

次膺字起季萊州人政和二年進士歷官為單父丞值山東亂舉室南渡屬閩寇范汝為陷建州宰相呂頤浩以次膺宰浦城遏賊衝比至寇黨熙志寧已焚城邑次膺披荆棘坐瓦礫中安輯吏民料丁壯治噐械阨險阻號令不煩邑民便之數月韓世忠破賊復建州除審計司賊餘黨范黑龍復攻陷隣邑閩帥張

守檄次膺侯賊平乃行乃募鄉兵習強弩賊至與夾
水陣矢齊發賊奔潰坐致首領五人餘悉宥之累官
湖南提刑以素不附秦檜罷奉祠檜死起知婺州擢
權給事中以論劾權戶部侍郎蔣璨璨坐出知平江
御史中丞湯鵬舉劾次膺假權報怨除待制宮觀起
知泉州移中丞移福建帥丁母憂乞納祿孝宗卽位
手詔趣召除御史隆興改元同知樞密院事拜叅知
政事不屑與湯思退同列力祈免卒次膺孝友清介
立朝謇諤爲政貴清靜先德化善屬文尤工詩

王之望

之望字瞻叔穀城人紹興八年進士以叅知政事奉
祠乾道元年起知福州福建路安撫使捕海賊王大
老梃聞加資政殿大學士移知溫州尋罷卒之望有
文藝幹畧當秦檜時落落不合紹興末力附和議與
思退相表裏竟坐廢

汪徹

徹字明遠其先新安人徙居饒州浮梁乾道間自寧
國移知福州兼福建安撫使自言身起寒遠所以報
國惟有不欺無私自奉清約雖貴猶布衣時

陳俊卿鄭僑

並見前
出縉紳

辛棄疾

棄疾字幼安歷城人乾道四年歷通判建康府時孝宗銳意恢復棄疾因論南北形勢及三國晉漢人才持論勁直累遷隆興府江西安撫落職久之主管冲佑觀紹熙二年起福建提點刑獄召見遷大理少卿加集英殿修撰知福州兼福建安撫使棄疾爲憲時嘗攝帥每嘆曰福州前枕大海爲賊之淵上四郡民頑獷易亂帥臣空竭緩急柰何乃務爲鎮靜末期歲積餘至五十萬緡榜曰備安庫謂閩中土狹民稠歲儉則糴于廣今幸連稔宗室及軍人入倉請米出卽糴之候秋價賤以備安錢糴二萬石則有備無患矣又欲造萬鎧招強壯補軍額嚴訓練以防盜賊事未行臺臣王簡劾其用錢如泥沙殺人如草芥遂乞祠歸慶元元年落職四年復主管冲佑觀終樞密都承旨棄疾豪爽尚氣節識拔英俊所交多海內知名士與朱文公游好文公歿僞學禁嚴門生故舊至無送葬者棄疾爲文往哭之有稼軒集行世紹定六年贈光祿大夫德祐初加贈少師諡忠敏

蔡幼學

幼學字行之瑞安人年十八試禮部第一孝宗策士聞其才將首寘爲時宰所惡遂得下第爲廣德軍教

授光宗朝入爲較書郎寧宗將進用之數論列時政
爲韓侂胄所黜除提舉福建常平時朱文公居建陽
幼學每事咨訪遂爲御史劉德秀劾罷奉祠者八年
召爲吏部員外郎歷知建寧府福建安撫使福建下
州例抑民買鹽有產鹽浮鹽名色皆出常賦之外幼
學力請蠲不報提舉司令民以田高下藏新會于不
如令者籍其貲幼學曰罔民而可吾忍之乎惟有去
而已因言錢弊未均秤提無術力求罷幼學早以文
鳴中年迷作益窮根本終兵部尚書少師諡文懿
楊長孺

長孺字伯子一名壽仁吉水人以忠節公蔭補守湖
州兼使節與秀郎相持譖之寧宗寧宗曰賄乎曰不
也寧宗曰可矣安撫福建強宗有久逋賦者法繩之
真德秀入對寧宗問廉吏德秀舉長孺端平間去任
累召不起景定初起判江西憲臺

程秘

秘字懷古休寧人紹熙四年進士以煥章閣學士知
建寧府授福建路招撫使不赴進封新安郡侯加寶
文閣學士知福州兼福建安撫使再奉祠秘立朝剛
直文章名一時惟附史彌遠以進

周書

卷之四十三

文苑

鄭德

周書

卷之四十三

文苑

三百六

右嘉定中任

楊棟

棟字元極青城人紹定二年進士累遷樞密院編修官奉祠起知興化軍闕里之裔唐時有孔仲良者為莆令其子孫即家於莆棟為建夫子廟闢祭田設書院以訓子弟遷福建提點刑獄尋加直秘閣兼權知福州兼本路安撫使累遷太常少卿予祠起直龍圖閣知建寧府不拜累叅知政事再知建寧不拜終資政殿大學士棟學本周程嘗進對理宗理宗曰堇堇正心脩身之說乎棟對曰臣學止此用之事親取友

治凋郡察寬獄至為簡易

何琮

右端平中任

魏了翁

了翁字華甫蒲江人嘉熙初自紹興改知福州兼福建安撫使累章乞骸不允疾革門人問疾衣冠酬荅口授遺奏少焉拱手而逝

李鳴復

鳴復字成叔瀘州人嘉定二年進士以鄭獯薦知名淳祐四年以叅知政事出知福州福建安撫使尋與

趙必愿

見宗正

徐清叟

見浦城縉紳

吳潛

士以禮部郎中

潛字毅夫寧國人淳祐間知福州兼安撫使徙知紹興後拜右丞相以忠亮剛直著聞賈似道嗾言官劾之安置循州授意循守劉宗中毒之空中為之宵震李伯曾伯曾字長孺單懷人後居嘉興儒而知兵有雅量淳祐間賜同進士出身以大學士知福州兼福建安撫使仕至觀文殿學士曾伯初與似道俱為閩帥邊境之事知無不言似道嫉之不竟其用

徐經孫

經孫字仲立豐城人寶慶二年進士授瀏陽主簿辟永興令改修武縣通判潭州進直寶章閣福建提點刑獄遷安撫使初經孫判潭時為州帥陳鞞所知凡事必諮而後行及來為安撫鞞正家居門人故吏有撓法者不得逐相與搥撼至是鞞起家判本郡劾奏通判語侵經孫通判坐削秩經孫造朝具于政府理宗大怒且罷鞞經孫再詣政府書某門生也前日之白公事也苟陳公以是得罪人謂我何請之不置求自乞閑明通判無罪遷宗正少卿起居郎入奏君人

當守理欲之界終端明殿大學士卒謚文惠

趙葵

葵有時名為世所重

右厚祐中任

吳淵

淵字道父潛兄也寶祐間知福州兼本路安撫使興

學養士迄有材畧然政尚嚴酷以功拜叅知政事

馬天驥

天驥字德夫衢州人紹定二年進士其為著作郎時

條上時弊詞旨切直累官簽書樞密封信安郡侯予

祠景定初知福州兼福建安撫使以職事修舉升大

學士改知平江府

湯漢

漢字伯紀安仁人與其兄于巾中皆知名初為上饒

簿江東轉運使趙希堅言漢海內名士也豈得吏之

州縣詔循兩資差信州教授兼象山書院長提舉福

建常平劾福州守史嵩之泉州守謝臺召為禮部郎

官兼太子侍讀尋以直華文閣福建運判久之以秘

閣修撰知福州福建安撫使又久之召為刑部侍郎

兼侍讀復以龍圖閣待制知福州福建安撫使改知

太平州權工部尚書兼侍讀以顯文閣直學士提舉
玉隆宮進華文閣學士以端明殿學士致仕卒贈正
奉大夫諡文清漢介潔有守恬於仕進有文集六十
卷
趙順孫
順孫字和仲縉雲人淳祐十年進士度宗朝爲侍御
史累疏直言乞召洪天錫陳宗禮陳宜中還居言職
及他所薦湯漢李伯玉何基徐宗仁呂圻歐陽守道
呂大圭等數十人多朝廷宿望及當世知名士度宗
皆嘉納焉久之欲拜爲右揆兼元樞順孫聞之嘆曰
不早用吾言國將亡而吾相吾其爲張悌矣比降麻
適中末疾乃除資政殿大學士提舉臨安府洞霄宮
十年依舊職知福州福建安撫使爲州民代輸夏秋
二稅錢以緡計者四十餘萬而寬催特放蠲減禮士
犒軍之數不與焉代還之日士人爭以詩文頌遺愛
軍民焚香夾道持綵旗擁車者數千人順孫歸知時
事不可爲憂懣成疾卒自朱文公合四書而爲注說
其微辭奧旨散出於一人所紀錄者莫克互言順孫
始采集以爲纂疏一時四方學者家有其言
江萬里

萬里字子遠都昌人景定四年知建寧府兼權福建轉運使明年移知福州兼福建安撫使度宗即位遷叅知政事咸淳末元兵渡江赴公署後浦止水池成止水萬里所自扁也

右景定中任

洪天錫見晉江

雷宜中

右咸淳中任

趙希瀆見宗

右景炎中任

叅議官

高穎

穎叅安撫坐從岳飛謫象州固窮守節剛直之性始終不渝

右紹興中任

劉朔見莆田

右乾道中任

主管機宜文字

鄭耕老見莆田

右乾道中任

幹辦公事

王晞亮見莆田 縉紳李誠之

誠之字茂欽東陽人受學呂祖謙慶元間幹辦公事
嘉定十四年守蘄州金人來攻蘄盡室歿之封正節
侯

右慶元中任

石慤

慤字子重臨海人年十八擢進士授桂陽簿秩滿調
同安丞天旱民饑縣白府請得蠲歲租如故事太守
怒檄慤杖其主吏慤移太守書杖吏細事耳然而係
民不能救民忍笞吏口守怒未已遣莫府官按驗至
希守意謂不當蠲慤爭益力部使聞之因以其事委
慤慤行視歸卽揭榜諭民蠲之什九然後言府且亟
召鄉吏閉廳中使鄉爲一榜戶列所蠲與其當輸之
數旣成立授里胥使走揭於其所使上官不得變令
而鄉吏無所逞奸改宣教郎知武進縣事以不能媚
奉郡守調尤溪縣官吏以財匱請借民租慤不答但
日治稅籍凡民逃絕而田入見戶者與鬻產而不能
更籍者皆正之又謹視其出納之際要爲簡易以便
民至於關市之征亦損其數於是農商得職租入以
時力役有序縣故窮僻學校久廢慤至卽命其友古

田林用中來掌教事而選邑子願學者克弟子員始
教之日親率佐史肅賓客往臨之因爲陳說聖賢教
學所以爲脩己治人之資自是五日一往伐鼓升堂
問進業次第相與反覆以求理義至當之歸員外諸
生數十或異邦之人皆裹糧求學故學宮不稱新而
廣之而書萬卷買田數百畝克入旣成舉鄉飲禮落
之又披其舊俗之不美者數事爲文訓飭民皆傳寫
誦習遠鄉有據險自豪不輸租賦數十年日與比鄉
爲仇敵者爲榜諭之輸賦解仇復與齊民齒民王某
者有刑罪具獄上府吏以邀求不厭欲致之歠斃爭
不聽則請自對獄與吏辯代民歠民乃得免歲大疫
多治藥劑遣醫分散村落自爲詩勸之活者甚衆監
察御史陳舉善聞其賢薦之朝而斂自從吏部選授
福建安撫司幹辦公事以去終知南康軍

徐鹿卿

鹿卿字德夫豐城人博通經史以文學名鄉後進爭
師宗之嘉定十六年廷試進士有司第其對居二詳
定官以其直抑寘第十調南安軍學教授辟福建安
撫司幹辦公事會汀邵寇作贊畫備禦動中機會避
寇入城者多方賑濟郡多火救護有方會都城火應

詔上封事真德秀稱其氣平論正有憂愛之誠改知
 尤溪縣德秀守泉辟宰南安以不便養辭德秀曰道
 同志合可以拯民何憚不來鹿卿入白其母欣然許
 之既至首罷無名科斂者明版籍革預借決壅滯達
 冤抑德秀尋帥閩疏其政以勸列邑歲饑處之有法
 富者樂分民無死徙最聞令赴都堂審察以母喪去
 起知泉州改贛州皆辭淳祐中累官遷禮部侍郎告
 老卒遺表聞贈四官鹿卿居家孝友廉約清峻一廬
 僅庇風雨所著有泉谷文集奏議講義鹽楮議政稿
 歷官對越集手編漢唐文類文苑菁華諡清正

趙希懌 見宗正

右年任無考

措置招捉盜賊官

方應發 見莆田縉紳

右景炎中任

福建制置司 制置使一員 掌經畫邊鄙軍族之事 參謀官

一員

制置使

陳德剛

德剛鄞人歷官戶部侍郎理宗立遷工部尚書論濟

王之寬忤史彌遠奉祠紹定六年召除福建制置使
 兼知福州入對理宗慰勞甚至因問夾攻蔡州以復
 讎何如德剛曰在國家不可一日忘此舉恐此舉之
 後方煩聖慮耳理宗曰朕與廷臣深計時不可失也
 德剛曰所謂時者人財無匱之謂陛下有之乎上默
 然端平元年簽書樞密院事請復濟王官爵從之

右紹定中任

王積翁

宋末以全閩
圖籍獻元

參謀官

卓德慶

見莆田
縉紳

右景炎中任

閩書卷之四十三

文蒞志

宋

福建轉運使

初置於建寧府建炎二年以建寇故移司紹興二年復還三年又移福州

尋復

轉運使一員

宋初諸路置轉運使掌經度一路財賦而察其登耗有無

以足上供及郡縣之費歲行所部檢察儲積稽考帳籍凡吏蠹民瘼及專舉刺官吏之事遇有軍旅則別置隨軍轉運使一員或諸路事體當合一則置都轉運使以摠之閩自太平興國三年錢氏納土之後為兩浙西南路置使副尋省直使一員五年始命太子左贊善大夫賈昭明為本路轉運判官雍熙收福建路將輸舉刺自端拱明道之際詔所屬郡不輟巡按以是逐州皆有副使一員判官一員主管文字一員

幹辦官一員 文官準備差遣 武臣準備差

使 上二職員數多寡不一

轉運使

楊克讓

克讓字慶孫馮翊人太平興國初以兩浙西南路轉運使權知州事泉州民嘯聚為盜衆十餘萬克讓率其屯兵至泉與王明王文寶共討平之初克讓嘗奏十事於太祖太祖嘉之詔升殿慰勞面賜金紫將大用之偶問侯陟寧識之否對曰臣與甚善知其才識佳士也近聞其自言上許以大用多市白金作飲器自奉臣頗怪焉太祖怒亟出克讓典郡時謂陟險陂

妬賢

崔榮

右雍熙中任

任維則牛冕

冕字君儀彭城人議廢邵武軍歸化金坑土人便之

右端拱中任

趙中和周渭

右淳化中任

丁謂

長洲人事見宋史

國書

文苑

二

陳第

右至道中任

趙賀劉炤

右咸平中任

陳世卿

見沙縣縉紳

袁煒

右景德中任

彭惟節

右大中祥符中任

方仲荀韓度唐肅

肅字叔元錢塘人七歲能誦五經後與孫何丁謂曹

商游學者慕之舉進士調郿縣主簿徙泰州司理叅

軍辯冤獄有名累官監察御史為真宗所知久之遷

侍御史為福建路轉運使判三司開折司終龍圖閣

待制登聞檢院知審刑院

右天禧中任

呂言苗稹王奇張方俞獻卿王嘉言李應言王耿

右天聖中任

趙湘

湘字巨源華州人廉問疾苦按吏核其不稱職者

龐籍

籍字淳之武城人初為殿中侍御史數劾范諷罪諷

同書

文苑

三

葉端

貶籍亦降知臨江軍景祐中尋復官徙福建轉運使
長於吏事惠愛在民後為相

邊調陸軫

右景祐中任

呂紹寧劉立德

右寶元中任

劉適張徙華王建中安積高易簡邵飾蔡襄

見仙遊
縉紳

張去惑

右慶曆中任

陳榮古唐詢楊紘盛中甫

右皇祐中任

盧革

革字仲辛德清人神宗時為福建轉運使請外神宗
謂宰相曰革庶退如是宜與嘉郡遂與宣州

右治平中任

羅拯

拯字道濟祥符人提點福建刑獄泉州興化軍水墘
廬舍拯請勿征海運竹木經一年民居復舊遷轉運
使邵武之光澤不榷酒以課賦民號黃麩錢拯均之
他三邑泉商黃謹往高麗館之禮賓省其王云自天

聖後職貢絕欲命使與謹俱來拯以聞神宗許之高麗通中國自拯始終知青穎陳三州

張徽許抗

抗字損之南城人皇祐元年進士宣和中任沙縣尉挺身入山壘說降彭孫嘯聚之盜轉運使陳榮言於朝曰若抗者可謂能減九重之焦勞救一方之塗炭後知柳州擢大理評事改知仙遊縣有聲累至是官蹇周輔

周輔字瞻翁成都清流人福建盜廖恩聚黨害兵吏朝命以轉運使護諸將討之恩遂降周輔彊學善爲文訊獄用智得情神宗稱之第刻深過當老而護戾

右熙寧中任

賈青

右元豐中任

孫奕

見閩縣縉紳

謝卿材

右元祐中任

毛奎

爲建州亂卒所殺

右靖康中任

柯賜

右政和中任

祖秀實 見浦城

右建炎中任

溫革 見惠安

右紹興中任

鄭如岡

如岡字山甫以蔭歷任所至簡靜為理官吏部侍郎

右紹定中任

朱宗 見仙遊

馬天驥 以知福州兼

江萬里 以知建寧

使陳邠 見建陽

右景定中任

吳堅劉震孫李伯玉

伯玉字純甫初名誠餘干人端平二年進士第二理

宗朝為尚書右司員外郎引故事彈臺臣蕭泰來遷

著作郎帝怒降兩官罷叙復知邵武軍改湖北提點

刑獄移福建遷尚右郎官奉祠遷福建提舉常平淮

西轉運判官度宗中擢權禮部尚書兼侍讀欲用以

叅大政為賈似道所忌亦尋卒趙汝騰嘗薦八士各

有品目於伯玉曰銅山鐵壁立朝風節

黃萬石馮夢得雷宜中曹元發 俱知建寧

右咸淳中任

趙崇機 以知建寧兼

右德祐中任

轉運副使

張吉甫蘇滌徐億李竦

右熙寧中任

王子京陳紘

右元豐中任

呂溫卿張詢

右元祐中任

陳建趙岍

右宣和中任

張穆程邁

右建炎中任

陳郭遂李承造劉察鄭士彥陳楠

楠字季任平陽人宣和七年提點福建刑獄福州調

發防秋兵以資糧不滿望群殺帥臣闔城吏民倉卒

奔潰楠入亂兵中諭之皆氣沮因邀楠曰公爲我奏

帥臣自斃非我等殺之也楠曰即如汝言遂馳奏而

使人從間道馳實以聞叛兵既調行乃追殺首惡二

十餘人朝廷與其知變兼知泉州其冬除浙西提刑

八年遷福建路轉運副使十年普安郡王出閣為太常少卿權禮部侍郎坐議禮與吏部尚書吳表臣禮部尚書蘇符俱罷除授京西帥殄均房版卒加秘閣修撰徙廣東帥未至卒楠寬洪蘊藉以誠待物恬於營利當秦檜用事以永嘉為寓里士之黃緣攀附者無不躋躡楠以立螭之舊為人主所知出入頓挫其節有足稱者自號無相居士又號不繫舟漁者賀允中余應求陳敏識王浚明趙伯牛張宇馬純鈞光祖曹戩趙令諤見宗正王時升

右紹興中任

陳良祐

良佑字天與金華人為轉運副使累遷吏部尚書朝廷議遣汎使請地於金良佑懼開釁端力止之忤旨竄斥淳熙間起知徽州尋知建寧府卒


右隆興中任

陳良翰

良翰字邦彥臨海人隆興中知建寧府乾道初徙福建轉運副使良翰在臺府時歷詆奸倖直言無隱事上忠而自信篤士論重之

沈度任文薦趙子英沈樞傳自得

見晉江縉紳



右乾道中任

鄭丙柴瑾錢佃謝師稷趙公碩顏度蘓峴趙彥操

右淳熙中任

周頡陳公亮

右紹熙中任

王恬張孝魯魯炎

右慶元中任

權安節

右嘉泰中任

何琮劉克莊

見莆田縉紳

右端平中任

饒堯臣

以知建寧燕

右淳祐中任

袁立儒高斯得

斯得蒲江人為福建計度轉運副使朝廷行自實田
斯得言按史記秦始皇三十一年令民自實田主上
臨御適三十一年而異日書之史冊自實之名正與
秦同丞相謝方叔大愧即為之罷後以顯文閣待制
知建寧府官至叅知政事以論賈似道誤國留夢炎
乘間罷之寶祐六年七月詔前福建漕臣高斯得已
奪職鑄官其贓百餘萬嚴限徵償
以懲貪吏二事未詳孰是並載之

右寶祐中任

洪勳趙孟傳

周書

卷之四十三

文蒞

九

葉春

右景定中任

家鉉翁

鉉翁眉州人以樞密都承旨出知建寧府兼福建轉運副使累簽書樞密院元兵至丞相吳堅盧餘慶檄天下守令以城降鉉翁獨不署堅奉表祈請于元以鉉翁介之禮成不得命留館中聞宋亡旦夕哭泣不食飲者累月元人欲官之不屈宋三宮北還鉉翁率故臣迎謁伏地流涕見者無不歎息元成宗即位放還賜號處士

右宋末任

轉運判官

賈昭明

右太平興國中任

馬遵劉文炳

右慶曆中任

張翥陳宗古甯瞻曹元舉蔡延慶

右嘉祐中任

黃照郭宏

右治平中任

湛俞

見閩縣縉紳

蔣之奇

周書

文蒞

葉

之奇字穎叔宜興人嘉祐二年進士爲福建轉運判
官時新法方起諸道免後推行失平之奇約僦庸費
隨筭錢高下均取之嘗薦處士陳烈每行部必造焉
仕終觀文殿學士知杭州卒封魏國公之奇善經學
工詩文真文忠稱其經術爲當世所宗

謝仲規曾默董鉞石賡王子京周沃張嶠

嶠字巨山襄陽人紹興初爲著作郎何掄以刊改神
宗實錄得罪語連嶠出爲福建路轉運判官疏言古
之人君其患有二不在於拒諫在納諫而不能用不
在於不知天下利害在知而不以爲意陛下渡江十

年矣外有勍敵之國內有驕悍之兵下有窮困無聊
之民進言者多矣今皆以爲陳腐而別取新奇之說
任事者衆矣今皆習是以爲當然而更爲迂濶之事
此近於納諫而不知用知利害而不知恤又有國所
惡者莫大朋黨今一宰相用凡其所與者不擇賢否
而盡用之一宰相去凡其所與者不擇賢否而盡逐
之宜其朋黨之浸成也終知衢州除敷文閣待制第
其爲政頗尚嚴酷

右熙寧中任

蔣續鄧甯

見沙縣
縉紳

右元豐中任

孫奕劉士彥曹輔

輔與蘓文忠軾善赴漕時文忠送之詩曹子本儒俠

筆勢翻濤瀾往來戎馬間邊風裂儒冠詩成橫槊裡

楯墨何魯乾

按沙縣曹輔則政和中人非此曹輔也

韋驥

驥字子駿錢塘人年十七以文謁王安石甚稱與之

每一賦成學者傳誦既登進士累官利州路運判移

福建路年飢議請賑貸驥以去京師遠不及上書待

報乃檄州縣發廩而請逮違法之罪于朝閩盜阻險

為州縣患吏畏怯爭言招納驥曰此稔患也悉擒捕

之召為主客郎中出為夔州路司憲知明州提舉洞

霄宮卒驥樂易靜退孝友廉平文章藻麗政事有聞

李孝廣王得臣陳鄂

見建陽縉紳

右元祐中任

秦定黃思文勛黃誥

右紹聖中任

張康國檀宗旦

右元符中任

孫蓉

馨字叔靜錢塘人徙江都為福建轉運判官召為屯田員外道遇蔡京京逆謂曰我若用於天子願公助我馨正言拒之

鄭可簡唐績

績字公懋零陵人敏學忘寢食范祖禹謫永績從之學中元符三年甲科天姿脩潔蒞事有方接人以義士論多之

陳覺民

見仙遊 縉紳

徐常

見建安 縉紳

翁彥國

見建陽 縉紳

右宣和中任

謝如意魯詹

右建炎中任

張翬

見惠安 縉紳

侯懋徐字宇文師瑗薛昌宋錢被鄭士

彥晁謙之范同黃積厚徐琛范寅秩蘇策趙令詠

見宗

室鮑延祖袁復一丘礪陳起姚沆趙不溢黃輶陳彌

作王瀹

右紹興中任

邵及之芮燁趙不敵呂企中陳峴楊由義

右乾道中任

王佐劉祖禮王師愈王田林枏

見莆田 縉紳

沈作礪陳公

亮陳孺

孺字漢卿臨川人紹興進士授明州推官除秘書省正字秦檜之黨問正得幾字孺正色答曰政惟小官不能正也今位鈞軸者吞聲議和處風憲者緘嘿媚上使虜鴟張至此尚可正與劾知建州頑黠無敢犯歲飢捐俸贍民置倉遷福建運判卒于官

右淳熙中任

薛叔似

叔似字象先永嘉人光宗時為福建轉運判官後為端明殿學士言者謂其迎合韓侂胄以開兵端又謫福州叔似雅慕朱熹窮道德性命之旨談天文地理

鐘律象數之學

孫紹遠盧彥德

彥德字國華麗水人厲志恬退喜怒不形所至有蹟官終朝請大夫

右紹熙中任

權安節蘇林趙克夫

右嘉泰中任

趙善闔趙善防李泮袁燮

燮字永叔鄞人師陸九淵每言人心與天地一本精思以得之兢業以守之則與天地相似學者稱潔齋

先生

右開禧中任

趙善宣章良肱綦奎費培俞建魏大中趙彥倓趙伉夫王松譙令憲

令憲刻厲清白所至以寬直得民舉進士調仙遊尉獲盜如律當論賞不自言運判始至蠲浮鹽等錢十四萬建寧府三山延平諸郡飢疫並作振恤備至及民病少紓令憲已屬疾猶自力治事

右嘉定中任

陳汝鄭如岡燕知建寧府職事

右紹定中任

袁甫

甫字廣微鄞人端平初知建寧府尋燕福建轉運判官聞鹽曹司例運兩綱供費後增至十有二吏卒並緣為奸且柳州縣變賣公私苦之甫奏復舊例丁米錢久為泉漳興化民患會知漳州趙以夫請以廢寺租為民代輸甫併捐三郡歲斛本司錢二萬七千貫助之

姚瑤見順昌縉紳

右端平中任

周書

卷之四十三 文蒞

五

葉

陳垣

垣字仲和鄞人嘉定十年進士調黃處二州教授累
樞密院編修官以直聲著聞被劾出知常衢二州改
提點都大杭治徙福建轉運判官仕終國子司業輕
財急義明白洞達一言之出終身可復雖為史彌遠
之甥然不以私親而廢天下公論

王伯大

見福寧
縉紳

方大琮

見莆田
縉紳

右嘉熙中任

項寅孫謝公旦

公旦字清父一字景周崇仁人性孝友簡淡嘉定中

進士官至福建

覆鹽課民便之尋改直煥章閣

福建運判有故人欲饋之患其清不受乃獻燭百炬
及取照則燭心隱隱皆黃金亟封還而不顯其事卒
於官自號野航

康楹包恢

恢字宏父建昌人嘉定十三年舉進士調金谿主簿
邵武守王遂辟光澤主簿平完亂建寧府守袁甫薦
為府學教授監虎翼軍募土豪討唐石之寇授掌故
改沿海制置司幹官會歲飢盜起金壇溧陽間恢部
諸將誅夷之改知吉州永豐縣未行差發運幹官福

建安撫使陳塏檄平寇遷武學諭宗正寺主簿添差
通判台州累湖北提點刑獄移福建兼知建寧閩俗
以九月祠五王生日靡金帛傾市奉之恢曰彼非犬
豕安得一日而五子同生非不祥者乎而尊畏之若
是衆感悟爲衰止兼轉運判官仕終簽書樞密院事
封南城侯卒贈少保謚文肅

鄭次申史季溫俱兼知建寧府職事

右淳祐中任

楊漢見安撫使

右景定中任

主管文字

余祖奭見莆田縉紳 趙崇候見宗室 王灌

右年任無考

幹辦官

宋藻見莆田縉紳

右紹興中任

趙彥櫛見宗正 龔孟夔

孟夔字龍友臨川人咸淳進士上第除龍興察推政
福建運幹妙悟文法決斷如流守帥皆驚服倚賴賈
似道欲見不往左授閩幕歸而講學山中爲一時矜

式

右年任無考

方天若柳廷俊黃願柯賜毛金魯仔諸葛安節章鑄

何處任已上舊志不載何官姑附于此

提點刑獄司

淳化二年詔諸路轉運司以常叅官一人糾察刑獄事於是以前門員外

郎董循等分充諸路轉運司提點刑獄四年罷之獨委轉運使始蓋隸漕臺也景德四年乃命

與轉運使分路提點選朝臣及諸司使副至閣門祇候明幹者充太子中允直集賢院丁遜為

本路提刑供奉官王守元為同提刑提刑兩員自是始天聖六年並罷明道初復置嘉祐五年

罷同提刑熙寧元年復置尋罷宣和二年文臣權置同提刑靖康元年罷乾道六年如舊

提刑 武臣提刑 幹辦公事 紹興二十二年檢

法官

文臣提刑

馬亮 合肥人覆訊冤獄全活者多遷知福州蘇易簡薦亮才任劇召還後以太子少保致仕呂夷簡

少從其父蒙亨為縣福州亮見而奇之 丁遜 妻以女世謂亮知人但所至無庶稱

右淳化中任

劉文濟

右大中祥符中任

王文震耿克從

右天禧中任

王耿周嘉正

周書

文蒞

文

建業文

卷之四十三

三百五十七

嘉正字榦之蜀人以進士起家來任提點辯寃貸疑全活為多而遇姦吏獨憊仕終刑部郎中

右乾興中任

林宥

右天聖中任

劉立之韓琚欒源

右景祐中任

李敷

右寶元中任

丘倚王罕高易簡盧咸蘓舜元

舜元字才翁蜀人任提點刑獄時汀州民王甯毆王先至死以賊蓋覆得不敗舜元至捕按之付汀守王程窮治程猶以屍傷歲久為請舜元特奏殺之舜元年少思與天下英豪角逐筆研間不得如意逮邊隅兵興夙夜講畫謀策要以術數剪屈夷虜其書屢上不省用平居談辯唐數百年間喜稱魏鄭公諫諍裴晉公德業李臨淮將兵衛公處邊事劉忠州通財利韓退之文章類此數人而已

右慶曆中任

章君陳呂公孺

右皇祐中任

張肅施元長王陶

陶萬年人滌冤澤物聲譽大著但深詆陳烈為貪詐極攻韓琦如仇

讐又忘姜愚布衣之義君子少之

羅拯

見轉運使

陳益

右治平中任

阮紳宋道李景亮葉温叟沈叔通徐摠

右熙寧中任

閻丘孝直李茂直喻陟

右元豐中任

彭寂錢暎祖無頗曹振

右元祐中任

王祖道張琬

右紹聖中任

程遵彥

右元符中任

周誼

右建中靖國中任

張向畢漸喬世材

右崇寧中任

勾仲甫陳覺民

見仙遊縉紳

邵壽

右大觀中任

陶書

卷之四十三

文蒞

三

玉象

陳建鄭南

右政和中任

王仲閣俞向耿南金

右宣和中任

陳楠

見轉運使李芑

見閩縣林杞梁澤民王綰陳楠

再任

右建炎中任

廖剛

見順昌

徐真劉嶠吳聰問施垌宋孝先李維方

廷實

見莆田

李公懋

大廉字元簡瑞安人登紹興第後為監察御史遇事

敢言給事中周葵中書舍人凌景夏相繼去大廉先

後疏爭俱不報自以不得其言力求外補除直秘閣

福建提刑一時公論翕然歸重及卒王龜齡挽之曰

能將一誠字了却百年身

李鞞王元鼎吳序賓孫汝翼趙令諷

見宗

吳達

見崇安

紳沈大廉

樊光遠

光遠字茂實錢塘人紹興五年南省奏名第一除秘

書省正字疏言請勿罪忠讜以養敢言勿喜迎合以

開濫進愛惜民力以固根本聳動士氣以備緩急請

補外知興化軍除福建路提點刑獄徙知嚴州

王大寶

大寶字元龜海陽人建炎二年進士其先由溫陵徙潮州紹興中來任提點道臨漳有峻嶺曰葵岡藜薄蔽翳山石犂确盜乘間剽劫大寶出囊金募民抉藪甃道十餘里仕終禮部尚書邃於易學著有周易釋義六卷表進於朝高孝二宗皆稱之

梁仲敏李莫沈樞何侑

右紹興中任

任盡言

右隆興中任

李若樸何逢原吳龜年趙子英呂企中

右乾道中任

鄭良嗣謝師稷

見邵武縉紳

孫憲文陳孺

見運判

程卓

卓字從元休寧人淳熙中廷對首乙科歷官尚書刑部員外郎克賀金國正旦使不辱命嘗為福建提刑知泉州請李方子輯清源文集凡名卿鉅儒之論述騷人詞伯之賦詠散見于國史家集與夫碑碣所志楹壁所題可以驗賢才之衆多風物之盛麗而郡志不能具者悉載之

陳希點

周書

卷之四十三 文蒞

三

三百廿六

希點字子與福州教授汝錫之孫由軍器營出任襟
度坦夷舉止凝重有德於民

右淳熙中任

辛棄疾見安撫使周必大

必大字子克廬陵人孝宗時權給事中曾覲龍大淵
並遷知閣門事必大力阻之不書黃不得命遂請祠
差知南劍州改提點福建刑獄入對願詔中外舉文
武才區別所長為一籍藏禁中備緩急之用後為中
書舍人張說再除簽書樞密院給事中莫濟封還錄
黃必大亦不具草孝宗予濟及必大宮觀而說露章
薦濟必大於是濟除温州必大除建寧府濟被命即
出必大行至豐城引疾歸二請祠以此名益重後拜
左丞相封益國公卒贈太師謚文忠

陳公亮

右紹熙中任

宋之端

右慶元中任

楊潛宣縉

縉慶元府人繇太學兩優釋褐自知吉州為福建提
點刑獄累官叅知政事卒以嘗預定策用王堯臣故

事贈太師謚忠靖

右嘉泰中任

李孟傳

孟傳字文授上虞人寧宗朝為太府丞兼考功郎以不附韓侂胄出提舉江東常平移福建入對首論用人宜先氣節後才能益招徠忠讜以扶正論故人在政府者折簡問勞動甚孟傳逆知其意即謝曰孤蹤久不造朝獲一望清光而去幸矣

出關至

閩大飢發廩勸分民無流殍嘉定初就遷掾荆獄移江東又辭丞相史彌遠其親故也人謂進用其時矣卒歸使節角巾還第屢起屢辭終直寶謨閣致仕

卒年八十四

陳彭壽劉應祖朱端常

見知南劍州

右嘉定中任

鄭如岡

右紹定中任

徐愿楊棟

見安撫使

右端平中任

頂寅孫趙綸王燭

燭字仲潜新昌人淳祐中任提點為人清修剛勁賈

似道歸天台葬母過新昌燭獨不見之後以元老入相位值國勢危亡之際天下所屬望也而卒與陳宜中不協去

包恢

見轉運判

徐經孫

見安撫使

史季温劉克莊

見莆田縉紳

右淳祐中任

李伯玉

見轉運使

劉震孫徐明叔游汶

汶字魯望德清人爲提點刑獄有能聲賈似道當國時事大非汶與商論忠誠懷惻至于流涕遂罷官家居泯迹草野入元參政蒲大年以遺老奏召爲福州總管堅辭不就書其布袍之背曰前宋遺民大元百姓不問燕居叙會晴雨寒暑未嘗脫解

陳壽孫

壽孫瑞安人登寶祐第授台州教授會新郡守初視篆守丞相丁大全黨也謁廟日壽孫揚言曰冉求聚歛孔聖鼓攻守黨丞相可升夫子之堂哉守聞爲解印後直龍圖閣歷福建提刑貪吏聞風引去入覲與賈似道爭鹽法被劾歸里元兵至率市人禦之被執不屈死

劉揚祖

揚祖字弘宗慈谿人少崇伊洛之學景定二年進士

以忤賈似道斥復起宰將樂建言時政利病似道不悅復斥之後復起自守吉州遷福建提點刑獄其不附似道益堅宋亡徙家其邑西茅山建介白樓墾田給食自號介白散人示不臣元之意

右咸淳中任

武臣提刑

附

王守元

右景德中任

韓

右大中祥符中任

張 丁諫

右天禧中任

寇用和

右乾興中任

趙易簡

右天聖中任

張知雄劉逵

右景祐中任

王翼李傳

右寶元中任

周書

宋之四十三 文蒞

三

陳弟

張 郭承規張顯普曾經

右慶曆中任

翟承恭柴肅李宗孟

右嘉祐中任

杜該

右熙寧中任

鄭興裔

興裔一作宗

字光錫開封人乾道中為福建路兵馬鈐

轄過闕入見孝宗詢守令臧否興裔條析對孝宗曰

卿識時務習吏事行當用卿會復置武臣提刑就命

為之郡縣積玩檢驗法廢興裔叛為格目分界屬縣

吏不得行奸因著為令建劍汀邵鹽筴屢更漕臣請

易綱運為鈔法興裔極言不可海寇倏去忽來調兵

常無及興裔請置灣長寇至徑率民禦之

葉南仲鄭槐

右淳熙中任

檢法官

余武弼見莆田縉紳

徐子寅字協恭父立之登州人南渡扈駕官至朝散

大夫寅以父任補官中法科為福建路檢法官當審覆

囚牘駁正死罪七十餘人歷官廣東提刑

右紹興中任

趙若恭見宗室

右咸淳中任

提舉常平茶司

掌常平義倉免後之政令凡官田產及坊場河渡之入按額拘納收

糴儲積時其歛散以便民視產高下以平其役崇寧大觀間以轉運司兼領奉行茶事政和三年專置提舉茶事官置司建州二年建兵叛權

移福州紹興五年併以提舉常平司為各置司泉州九年經制使司總領諸路常平尋罷經制

司常平令提刑兼領福州置司十二年歸建州

主管

提刑司委通判或幕職官充

提舉常平茶鹽公事

紹興十五年

年詔諸路提舉茶鹽官改充提舉常平茶鹽公事

幹辦官

提舉常平茶鹽公事

謝仲規

右熙寧中任

蹇周輔

見轉運使

蔣續

右元豐中任

黃誥

右紹興中任

鮑由

由字欽止龍泉人徽宗朝繇進士歷提舉福建常平

常從王安石學又親炙蘇軾以詩文名世

周書

文苑

長

一百六

江公著

右元符中任

王仲閣

右政和中任

詹時升

見建陽
縉紳

右宣和中任

陸祐

見候官
縉紳

李承遇徐琛杜圮

見邵武
縉紳

洪昕袁復一

丘礪王秬王淪張元禮張汝楫劉嶸周操沈樞鍾世

明黃章姚宗之

見莆田
縉紳

楊公度

見浦城
縉紳

右紹興中任

姜詵

右隆興中任

吳龜王次山李元老

元老字景芳河內人邦彥後也守清湘移邵州以最

聞召見陳便宜稱上意目送之曰稱監司材也除福

建提舉

鄭伯熊周自強王速薛居實

右乾道中任

胡儔姚宗之

見莆田
縉紳

何稱陳蒼舒陸游

游字務觀山陰人以父蔭補登仕郎鎖廳薦送第一

秦檜孫埴適居其次檜怒至罪主司明年試禮部復
 置游前列檜顯黜之檜死始簿寧德以薦者除勅令
 所刪定官官至寶章閣待制游才氣超邁尤長於詩
 人譏其頹放因自號放翁年九十餘

吳飛英周頡陳仲諤宋若水

若水字子淵雙流人歷官吏部為時相所怒出提舉
 江東常平等事移福建閩俗多不舉子若水禁防之
 汀盜後疫作煮藥自隨飲其病者發建陽常平米以
 賑民飢除湖南提點刑獄公事建人老稚扳轅久之
 孫紹遠應孟明

孟明字行實永康人為福建提舉常平陛辭孝宗曰
 朕知卿愛百姓惡賊吏事有便宜悉以聞孟明至
 部具遵臨遣之意孝宗一日論監司按察曰朕近得
 數人應孟明其最也尋除江東提點刑獄

吳玘

右淳熙中任

陳杞李沐張濤宋之端

右紹熙中任

蔡幼學見安撫使林思齊陳揀張經楊潛

右慶元中任

蘇林趙公升

右嘉泰中任

盛庶魏夢熊李孟傳見文
提刑

右開禧中任

陳鑄胡燊陳紀陳彭壽潘友文劉允濟宣縉見文
提刑劉

應祖朱端常趙彥紆羅仲舒

仲舒字宗之慈谿人以進士授安慶教授累福建提

舉常平茶鹽會大水編筏救溺發粟賑飢終宗正少

卿以直顯謨閣致仕

右嘉定中任

王夢沈謐

右寶慶中任

史彌忠

彌忠字良叔鄞人彌遠兄來提舉常平茶鹽值閩

寇大作彌忠薦陳韡為招捕事定功賞一不受彌遠

久在相位數勸之歸年未七十首乞致仕

鄭如岡方備

右紹定中任

徐愿

右端平中任

周壽

卷之四十三 文蒞

三

二百八〇

彭方葉奭李昂英

昂英字俊明番禺人寶慶丙戌進士第三人授汀州推官郡守陳孝嚴警悍暴害部卒構亂昂英討平之累除直秘閣福建提舉甫下車貪吏望風解印歲大稜捐俸賑貸所活萬計累擢龍圖閣待制吏部侍郎封番禺開國男卒謚忠簡

趙綸

右嘉熙中任

蔡籥王寓趙師耕樓治袁立范午之

右淳祐中任

謝子強趙嘉慶楊漢見安撫使

右寶祐中任

李伯玉見轉運使趙逢龍

逢龍字應甫鄞人嘉定十六年進士歷知興國信衢衡袁五州提舉廣東湖南福建茶鹽常平居官常俸外一介不取日具蔬飯坐公署中事至即決民有逋賦悉為代輸其撫諭惻怛一以天理民彝為言尤究心荒政以羨餘為平糴之本遷將作監拜宗正少卿兼侍講年八十八終於家

留夢炎見宋史胡式之

右景定中任

劉震孫徐明叔陳緯林畔

右咸淳中任

幹辦官

林郁 見莆田

右宣和中任

陸祐 見候官

右建炎中任

林彬之 見莆田

趙師善 見宗室

右端平中任

提舉市舶司

元祐初詔福建路於泉州置司掌番貨海舶征權貿易之事以通遠物仍

委逐處知州通判知縣監官同視轉運司摠之

提舉

幹辦公事

各一員

提舉

徐確 見莆田 陳汝錫

右崇寧中任

上官厚錢景邈樂昭衍童煥文周需

右年任無考

施述蔡櫛 見仙遊

右政和中任

許大年張祐

右宣和中任

魯詹

右靖康中任

邵邦達

右建炎中任

徐與可李承遇王權趙奇呂用中鮑仔常壽成樓璣

曹泳趙士鳴李莊張子華鄭宗傳自修見晉江張汝

楫陳之淵黃績何備

備字德輔龍泉人紹興進士調德清簿時和好初成

哀少康宣王光武元帝事可施行者為中興龜鑑上

之歷任是官約束奸吏甚嚴終知寧國府

林之奇見侯官

右紹興中任

郭知訓何偁

偁字德揚紹興甲科為吏部郎官金人再犯淮主議

之臣欲弃唐鄧海泗四州偁上封事請上方劍斷奸

臣頭朝論以比朱雲除福建提舉

右隆興中任

程祐之馬希言陸沅張堅

右乾道中任

虞似良蘇峴韓康卿彭椿年嚴渙林劭潘冠英胡長卿張遜

右淳熙中任

王渙趙汝或

右紹熙中任

許知新詹徽之黃纘

右慶元中任

余茂實曹格郭晞宗

右嘉泰中任

趙盛趙亮夫

右開禧中任

朱輔王樞趙不熄傅庸葉元幹趙崇度施棫魏峴趙

汝适陳可大

見仙遊縉紳

右嘉定中任

謝采伯李韶

俱知州兼

右紹定中任

葉宰黃朴

俱知州兼

右端平中任

劉焯叔趙涯王會龍

俱知州兼

右嘉熙中任

劉克遜

見莆田縉紳

趙希楙陳大猷趙師耕

上二人並知州兼

楊

瑾張理

理字仲純清江人嘗從杜本於武夷盡得其學以其所得於易者演為十有五圖以發明天道自然之象名易象圖說

右淳祐中任

開府

文丞相以宋末開府汀漳此時宋官守不備因附於此

文天祥字宋瑞又字履吉吉州廬陵人年二十舉進士第一三十七而致仕咸淳九年起為湖南提刑居

一年而難作其年改知贛州明年為宋幼主德祐元年元人渡江詔天下起兵勤王天祥拜詔涕泣使人發郡中豪傑并結溪峒蠻號召吉州兵皆響應有眾萬人事聞以江西提刑安撫使召入衛其友止之曰今虜兵三道鼓行破郊畿薄內地君以烏合赴之何異驅群羊當猛虎也天祥曰吾亦知之國家養育臣庶三百餘年矣一旦有急徵勤王兵無一人一騎入關者吾深恨於此過不自量以身殉之庶天下忠臣義士有聞而起者乎天祥平生自奉豪華聲伎滿前至是痛自貶損出家貲為軍費每與賓佐語及時事

輒撫几流涕八月提兵至臨安除知平江府請分天下爲四鎮建都督統御其中以廣西益湖南建閩長沙以廣東益江西建閩隆興以福建益江東建閩沔陽以淮西益淮東建閩揚州責長沙取鄂責隆興取蕪黃責沔陽取江東責揚州取兩淮約日齊奮有進無退圖之日夜使元人備多而力分時不能用天祥入平江遣將拒元不利明年除知臨安府未幾宋人上表降元除天祥右丞相兼樞密使使如元軍請和爲元伯顏所拘夜亡入真州自通州汎海至温州聞益王未立上表勸進以觀文殿學士侍讀召至福建拜右丞相七月以同都督出江西遂至南劍聚兵其冬入汀州南安人陳龍復閩士林琦皆就辟幕下使叅贊吳浚取雩都諸縣景炎二年元人入汀州天祥欲據城拒敵汀州黃去疾聞車駕下海擁郡兵有異志遂移次漳州龍巖縣吳浚叛降元爲元來說天祥縛浚縊殺之二月遣使復梅州四月斬二大將之跋扈者都統錢漢英王福以釁鼓尋復黃州臨洪袁瑞豪傑響應號令通於江淮遂遣兵攻贛城與元將李恒戰空坑敗績失其妻妾子女天祥收撫餘衆奉老母入汀轉移諸州將請命行朝益兵再舉會元師水

陸交至道路梗塞天祥駐循之南嶺柵險自全景炎三年進兵惠州端宗崩帝昺立加天祥少保信國公進屯潮陽縣其冬移屯趨海豐虜騎迫及於五坡嶺諸軍不及戰天祥被執服腦子不死見元將張弘範不屈待以客禮明年為帝昺之元年而宋亡矣弘範遣人護送天祥之燕都天祥在道八日不食不死即復食至燕元人囚之三年屢欲全之天祥屢不屈會有閩僧妙曦言土星犯帝座疑有變未幾中山有狂人薛寶住自稱宋主有兵千人欲取文丞相燕中又有匿名書言某日燒蓑城葦率兩翼兵為亂者元世


祖召天祥入殿中長揖不拜左右強之拜跪或以金撻摘其膝天祥豎立不動世祖使人諭之汝居此久能以事宋者事我當令汝中書省一處坐者天祥曰非所願也世祖曰則何願天祥曰死足矣臨刑天祥從容南鄉拜而死年四十七

蘭書

卷之四十三

三

一百三



寛政元年

